

古詩錄

民國十五年季冬重印

掃葉山房發行



民國十五年季冬重印

古詩錄

掃葉山房發行

宛鄰書屋古詩錄目次

卷一

郊祀歌十九章 安世房中歌十七章 鼓吹曲四首 筵篚引 江南

薤露歌 蒿里曲 雞鳴 烏生 平陵東 陌上桑 長歌行二首

君子行 相逢行 長安有狹邪行 善哉行 隴西行 步出夏行

行 折楊柳行 西門行 東門行 附晉樂所奏 婦病行 孤兒行 雁門

太守行 豔歌何嘗行二首 豔歌行二首 怨詩行 淮南王篇 傷

歌行 悲歌 古詩為焦仲卿妻作 枯魚過河泣 雜詩 猛虎行

古八變歌 古歌 古歌 豔歌 古咄咄歌

卷二

高帝大風歌 鴻鵠歌

武帝瓠子歌二首 秋風辭 蒲梢天馬歌 李夫人歌

昭帝淋池歌

燕刺王旦歌

華容夫人和歌

卓文君白頭吟

蘇武詩四首

李陵與蘇武詩三首

李延年歌

王昭君怨詩

班婕妤怨歌行

無名氏古詩十九首

古詩四首

古詩三首

古詩

古詩

飲馬長

城窟行

馬援武溪深行

梁鴻五噫歌

班固詠史詩

張衡怨篇

同聲歌

四愁詩

蔡邕樊惠渠歌

翠鳥

酈炎見志詩

仲長統述志詩二首

孔融雜詩 臨終詩

秦嘉贈婦 留郡贈婦詩三首

諸葛亮梁甫吟

辛延年羽林郎

宋子侯董嬌嬈

蘇伯玉妻盤中詩

竇元妻古怨歌

蔡文姬悲憤詩

無名氏擬李陵錄別詩二首 擬蘇武答詩

古絕句四首 古歌 古樂府 鄭白渠歌 隴頭歌二首 成帝時童

謠 桓帝初小麥童謠 城上烏童謠

右漢樂府歌辭八十首詩二十六家四十七首無名氏三十二首古歌

謠十二首

卷三

鼓吹曲四首

武帝短歌行

觀滄海

龜雖壽

苦寒行

郤東西門行

薤露

蒿

里行

文帝善哉行二首

燕歌行

佳人期

夫容池作

雜詩二首

於讎

作 清河作

代劉勳妻王氏雜詩二首

甄后塘上行

明帝長歌行

種瓜篇

陳思王植飛龍篇

薤露行

鰕鮒篇

吁嗟篇

豫章行二首

浮萍

篇 登侯引

野田黃雀行

門有萬里客

怨詩行

怨歌行

聖皇

篇 名都篇

美女篇

白馬篇

升天行二首

五游篇

遠游篇

仙人篇

鬪雞篇

盤石篇

種葛篇

棄婦篇

妾薄命

當來日大

難 當牆欲高行

當欲遊南山行

桂之樹行

精微篇

責躬詩

應詔詩 朔風詩五章 閨情 七哀詩 公宴詩 贈徐幹 贈丁儀
贈丁翼 贈王粲 贈白馬王彪七章 送應氏詩二首 三良詩 雜
詩七首 情詩 雜詩

卷四

王粲贈蔡子篤詩 贈士孫文始 贈文叔良 思親詩 從軍詩五首

公讌詩 詠史詩 雜詩 七哀詩三首

陳琳飲馬長城窟行 遊覽二首

徐幹情詩 室思 雜詩 為挽船士與新娶妻別

劉楨公讌詩 贈五官中郎將四首 贈徐幹 贈從弟三章 雜詩

失題二首

應瑒侍五官中郎將建章臺集詩 鬪雞

阮瑀詠史詩

繆襲挽歌

繁欽蕙詠 定情詩

嵇康贈秀才八軍五章 五言詩 雜詩 述志詩二首 幽憤詩 答

二郭三首 與阮德如

阮籍詠懷詩三首 詠懷五十首

右魏樂府歌辭四首詩十五家一百九十三首

卷五

獨漉篇 白紵歌三首

張華門有車馬客行 博陵王宮俠曲 情詩三首 雜詩三首

傅玄短歌行 秋蘭篇 明月篇 西長安行 雜詩 雜言

司馬彪贈山濤 雜詩

陸機日出東南隅行 挽歌三首 從軍行 苦寒行 豫章行 塘上

行 飲馬長城窟行 門有車馬客行 悲哉行 猛虎行 於承明作

與弟士龍 為顧彥先贈婦二首 赴洛 赴洛道中作二首 招隱詩

園葵詩 擬今日良宴會 擬迢迢牽牛星 擬明月何皎皎 擬青青

陵上柏 擬明月皎夜光

陸雲為顧彥先贈婦往返四首

潘岳關中詩十六章 金谷集作詩 河陽縣作二首 在懷縣作二首

內顧詩二首 悼亡詩三首 哀詩

潘尼迎大駕

左思詠史八首 招隱二首 雜詩

張翰雜詩

張載七哀詩

張協詠史 雜詩十首

王讚雜詩

孫楚征西官屬送於陟陽侯作詩

石崇王明君辭

曹攄思友人詩

歐陽建臨終詩

郭泰機答傅咸

劉琨答盧湛八章 重贈盧湛 扶風歌

盧謏答魏子悌 贈崔温 時興詩 覽古詩

郭璞遊仙詩十首

謝尚大道曲

卷六

陶淵明遊斜川 五月旦作和戴主簿 和劉柴桑 和郭主簿二首

贈羊長史 癸卯十二月中作與從弟敬遠 與殷晉安別 於王撫軍

座送客 始作鎮軍參軍經曲阿作 辛丑歲七月赴假還江陵夜行塗

口作 詠三良 詠荊軻 九月間居 歸田園居四首 移居二首

癸卯歲始春懷古田舍 酬劉柴桑 庚戌歲九月中於西田穫早稻

飲酒詩九首 擬古八首 雜詩七首 詠貧士 讀山海經九首 擬

挽歌辭三首

殷仲文南州桓公九井作

謝混遊西池

夏侯湛江山泛歌

江適詠秋

庾闡觀石鼓 衡山

袁宏詠史二首

曹毗夜聽擣衣

支遁詠懷詩

隴上歌 子夜歌八首 子夜春歌四首 子夜夏歌三首 子夜秋歌

三首 子夜冬歌三首 上聲歌二首 歡聞歌 前溪歌二首 桃葉

歌四首 團扇郎歌三首 團扇郎 長樂佳 歡好曲二首 懊儂歌

三洲歌三首 清溪小姑曲 青陽度曲 那呵灘曲五首 孟珠曲二

首 夜黃 夜度娘 拔蒲曲二首 作蠶絲曲 西洲曲 東飛伯勞

歌 樂辭 休洗紅 雜詩

右晉樂府四首詩三十家一百九十八首歌辭六十一首

卷七

文帝北伐詩 滑臺詩

武帝自君之出矣 拜衡陽文王義季墓 望月

南平王鑠擬行行重行行 擬明月何皎皎

何承天芳樹篇

顏延之車駕幸京口侍遊祿山作 車駕幸京口三月三日侍遊曲阿後

湖作 贈王太常 夏夜呈從兄散騎車長沙 北使洛 還至梁城作

始安郡還都與張湘州登巴陵城樓作 秋胡詩九首 五君詠五首

歸鴻

謝莊七夕夜詠牛女應制 遊豫章西觀洪崖井

謝靈運悲哉行 九日從宋公戲馬臺集送孔令 從游京口北固應詔

永初三年七月十六日之郡初發都 鄰里相送至方山 過始寧墅

富春渚 七里瀨 晚出西射堂 登池上樓 遊南亭 遊赤石進

帆海 登江中孤嶼 登永嘉綠嶂山詩 石室山詩 齋中讀書 初

去郡 田南樹園激流植援 石壁精舍還湖中作 登石門最高頂

石門新營所住四面高山迴溪石瀨茂林修竹 於南山往北山經湖中

瞻眺 從斤竹澗越嶺溪行 過白岸亭詩 夜宿石門詩 南樓中望

所遯客 酬從弟惠連五章 登臨海嶠初發疆中作與從弟惠連可見

羊何共和之四章 道路憶山中 入彭蠡湖口 入華子岡是麻源第

三谷

謝瞻九日從宋公戲馬臺集送孔令詩 答靈運 王撫軍廣西陽集別

時為豫章太守庾被徵還東

謝惠連西陵遇風獻康樂五章 秋懷 擣衣 泛湖歸出 樓中望月

七月七日夜詠牛女 塘上行

卷八

鮑照代東門行 代放歌行 代陳思王京洛篇 代白頭吟 代東武

行 代出自薊北門行 代昇天行 代苦熱行 代結客少年場行

吳歌三首 代白紵舞歌詞四首 代白紵曲二首 中興歌五首 擬

行路難七首 梅花落 代淮南王 代雉朝飛 代空城雀 代春日

行 登廬山 從登香鑪峯 登黃鶴磯 贈故人馬子喬二章 和王

丞 吳興黃浦亭庾中郎別 贈傅都曹別 還都道中 上潯陽還都

道中作 行京口至竹里 發後渚 岐陽守風 詠史 擬古六首

紹古辭四章 學劉公幹體二首 行樂至城東橋 園中秋散 遇銅

山掘黃精 翫月城西門廨中 喜雨 秋夜 冬日 和王義興七夕

望孤石 山行見孤桐 詠雙燕

范蔚宗樂遊應詔詩

吳邁遠飛來雙白鶴 陽春曲 胡笳曲 長別離 古意贈令人

袁淑效古

湯惠休楊花曲 白紵歌 秋風

陸凱贈范蔚宗詩

丁督護歌二首 碧玉歌四首 華山畿四首 讀曲歌七首 莫愁樂

二首 烏夜啼二首 襄陽樂四首 西烏夜飛曲

右宋詩十五家一百六十六首歌辭二十六首

王融淶水曲 巫山高 棲元寺聽講畢遊郎園七韻應司徒教 蕭諮

議西上夜集

和王友德元古意

遊仙詩二首

謝朓八朝曲

登山曲

泛水曲

同謝諮議詠銅雀臺

同王主簿有

所思

玉階怨

遊山

將遊湘水尋句溪

遊東田

暫使下都夜發

新林至京邑贈西府同僚

酬王晉安

郡內高齋閒望答呂法曹

新

亭渚別范零陵雲

懷故人

之宣城郡出新林浦向板橋

休沐重還

丹陽道中

京路夜發

晚登三山還望京邑

直中書省

觀朝雨

宣城郡內登望

冬日晚郡事隙

移病還園示親屬

春思

秋夜

詠落梅

詠牆北梔子

和劉西曹望海臺

和宋記室省中

和王著

作融八公山

和伏武昌登孫權故城

夏始和劉滌陵

和王主簿季

哲怨情

和徐都曹出新亭渚

和劉中書

江奐綠水曲

劉繪有所思

陸厥臨江王節士歌

柴廓行路難

古詩錄

目錄

七

歸葉山房

楊叛兒三首 估客樂四首 蘇小小歌

右齊詩六家四十六首歌辭八首

卷九

武帝臨高臺 雍臺 子夜春歌 子夜夏歌二首 子夜秋歌四首

子夜冬歌 白紵詞二章 河中之水歌 逸民 擣衣 織婦

簡文帝權歌行 美女篇 折楊柳 豔歌曲 夜夜曲二首 烏棲曲

四章 東飛伯勞歌二首 隴西行 江南曲 採蓮曲 旦出興業寺

講詩 和徐錄事見內人作卧具 詠內人晝眠 戲作謝惠連體十三

韻 送別 詠單鳧 詠蜂 和蕭侍中子顯春別三首 夜望單飛雁

傷離新體 擬沈隱侯夜夜曲 冬曉 賦得入階雨

元帝和林下作妓應令 春別應令三首

沈約長歌行 白馬篇 臨高臺 陽春曲 樂未央 遊鍾山詩應西

陽王教五章 新安江至清淺深見底照京邑遊好 早發定山 和竟

陵王遊仙詩 遊沈道士館 赤松澗 古意 直學省愁卧 休沐寄

懷 宿東園 應王中丞思遠詠月 詠湖中雁 侍遊方山應詔 別

范安成 春思

江淹侍始安王石頭 從冠軍行建平王登廬山香鑪峯 從建平王遊

紀南城 望荆山 秋至懷歸 渡西塞望江上諸山 渡泉嶠出諸山

之頂 惜晚春應劉祕書 秋夕納涼奉和刑獄舅 採石上菖蒲 雜

體三十首 效阮公詩六首 清思詩五首

范雲有所思 贈張徐州謾 效古 別詩

邱遲旦發漁浦潭 敬酬柳僕射征怨

任昉濟浙江 贈郭桐廬出谿口見候余既未至郭仍進村維舟久之郭

生方至 別蕭諮議行 出郡傳舍哭范僕射二首

王僧孺鼓瑟曲有所思 登高臺 贈顧倉曹 為何庫部舊姬擬薜蘿

之句 何生姬人有怨 月夜詠陳南康新有所納 秋閨怨 為人寵

姬有怨 為徐僕射妓作

卷十

張率白紵歌七章

柳惲江南曲 擣衣詩五首

庾肩吾賦得有所思 九日侍宴樂遊苑應令 從皇太子出元圃應令

尋周處士宏讓 過建章故臺 詠長信宮中草 詠美人

吳均秦王卷衣 采蓮曲 雍臺 行路難二首 別王謙 春詠

何遜銅雀妓 望廨前水竹答崔錄事 酬范記室雲 夕望江橋示蕭

諮議楊建康江主簿 入西塞示南府同僚 贈諸舊遊 秋夕仰贈從

兄寘南 送韋司馬別 贈韋記室黯別 下方山 學古贈邱永嘉征

選 和蕭諮議岑離閨怨 嘲劉郎 詠照鏡 學古 臨行公車 揚

州法曹梅花盛開 贈王左丞僧孺 敬酬王明府 日夕出富陽浦口

和朗公 望新月示同羈 閨怨二首 相送 相送聯句

蕭子範望秋月

蕭子顯春閨詩 春別二首

蕭子雲落日郡西齋望海山

蕭鈞晚景遊泛懷友

王籍入若邪溪

王筠遊望

劉孝綽銅雀妓

夕逗繁昌浦

答何記室

古意

賦得照棋燭詩刻

五分成

賦得遺所思

望月有所思

劉孝威郊縣遇見人織率爾寄婦

劉孝先草堂寺尋無名法師

劉遵應令詠舞

劉邈萬山見採桑人

陶宏景寒夜怨

徐悱古意酬到長史漑登琅琊城

徐摛賦得簾塵

劉峻自江州還入石頭詩

始居山營室

劉緩和晚日登樓

古詩錄
目錄
荀濟贈陰梁州

虞羲贈友人上湘 詠霍將軍北伐

何思澄擬古

費昶和蕭洗馬畫屏風秋夜涼風起

王臺卿陌上桑四章

朱超道詠鏡

車殺隴頭水

鄧鏗和陰梁州雜怨 月夜閨中

包明月前溪歌

清商曲襄陽白銅鞮歌三首 隔谷歌二曲 捉搦歌 折楊柳歌五曲

折楊柳枝歌 木蘭詩

右梁詩三十九家二百三十六首歌辭十三首

卷十一

後主巫山高 自君之出矣二首 玉樹後庭花 東飛伯勞歌 獻歲

立春光風具美泛舟元圃各賦六韻

沈后答後主

陰鏗班婕妤怨

和登百花亭懷荆楚

江津送劉光祿不及

渡青草

湖開善寺

和侯司空登樓望鄉

晚出新亭

晚泊五洲

侯司空

宅詠妓

雪裏梅花

徐陵中婦織流黃

出自薊北門行

隴頭水

折楊柳

關山月

洛陽

道梅花落

長相思二首

山齋

別毛永嘉

秋日別庾正員

詠

織婦

內園逐涼

春日

奉和簡文帝山齋

沈炯長安還至方山愴然自傷

周宏正隴頭送征客

陸瓊長相思

陸瑜東飛伯勞歌

張正見採桑

豔歌行

置酒高殿上

門有車馬客行

怨詩

輕薄

篇戰城南

臨高臺

長安有狹邪行

山家閨怨

賦得佳期竟不歸

江總折楊柳 怨詩二首 雜曲三首 宛轉歌 秋日登廣州城南樓

遇長安使寄裴尚書 南還尋草市宅 薇山亭賦 新入姬人應令

閨怨篇 姬人怨

張君祖詠懷

釋洪偃遊鍾山之開善定林息心晏坐引筆賦詩

右陳詩十二家六十四首

胡太后楊白華

咸陽王宮人歌

蕭綜悲落葉

常景讚四君四首

溫子昇從駕幸金墉城 詠花蝶

右魏詩五家九首

邢劭思公子 三日華林園公宴 冬夜酬魏少傅直史館 冬日傷志

篇 七夕

祖珽從北征

荀仲舉銅雀臺

蕭愨和崔侍中從駕經山寺
秋思
春日曲水

顏之推古意二首

斛律金敕勒歌

馮淑妃感琵琶絃

右北齊詩七家十四首

卷十二

王褒從軍行
長安有狹邪行
出塞
關山月
古曲
燕歌行
渡

河北

庾信結客少年場行
烏夜啼
燕歌行
楊柳歌
奉和泛江
陪駕

幸終南山和宇文內史
奉報寄洛川
從駕觀講武
奉報趙王出師

在道賜詩
和趙王送峽中軍
侍從徐國公殿下軍行
同盛記室從

軍
伏聞遊獵
見征客始還遇獵
奉和同泰寺浮圖
擬詠懷十四

首 和張侍中述懷 夢入堂內 和詠舞 登州中新閣 奉報趙王

慙酒 和王少保遙傷周處士 別周尚書宏正 別張洗馬樞 將命

使北始渡瓜步江 反命河朔始入武州 率爾成詠 和趙王看妓

奉答賜酒 衛王贈桑落酒奉答 答王司空餉酒 舟中望月 詠畫

屏風詩二十五首 寄徐陵 寄王琳 和劉儀國臻 和侃法師三絕

重別周尚書二首 送衛王南征 山中 和趙王看伎 望渭水

塵鏡 題結綫袋子 賦得集池雁 傷往二首 李那奉和適重陽閣

右北周詩三家九十五首

煬帝白馬篇 春江花月夜 四時白紵歌二首 雲中受突厥主朝宴

席賦 望海 悲秋

侯夫人妝成 自感三首

楊素山齋獨坐贈薛內史二首 贈薛內史 贈薛播州十四章

盧思道權歌行 升天行 採蓮曲 從軍行 贈李若 遊梁城 後

園宴

薛道衡昔昔鹽 出塞 豫章行 敬酬楊僕射山齋獨坐 八柳江

人日思歸

魏澹初夏應詔

虞世基出塞和楊素

王春七夕

尹式送晉熙公別 別宋常侍

孔紹安別徐永元秀才

陳子良送別

明餘慶從軍行

陸季覽詠桐

無名氏送別詩 雞鳴歌 挽舟者歌 歎疆場

右隋詩十三家五十首無名氏四首

右錄詩凡一百七十一家一千一百十八首樂府歌辭二百八首無名氏詩三十六首序曰詩者思也夫民有喜怒哀樂愛惡之情有君臣朋友家

國身世升沈新故盛衰睽合之感苟攫其心必動乎情情動則思思久而情益深則纏綿鬱積煩冤悱惻咄嗟而不能自己一旦身之所接目之所見風飄雲浮日晶月幽露零霜肅霆擊電流崇山重湖決泮嶽嶇草木榮枯蟪蛄動趨鳥決而飛獸駭而伏春秋代故寒暑迴復忽若與吾相感觸而有以寓其不能言之情故詩有六義一曰興興者情與辭比者也情辭既比而神理具焉神以決其情理以條其辭也情辭比神理具於是鏗鏘以為音頓挫以為節務有以宣其纏綿鬱積煩冤悱惻咄嗟不能已之情則詩之道畢矣漢氏以來詩之工者未有不由此也故情不稱其辭則靡辭不副其情則野然而性異剛柔才殊尋尺風會遞嬗好尚不齊於是體制氣格代更迭變建安尚矣晉宋以降古義漸湮新聲間作然而豪傑之士自能陶鑄性情發揮物類思必沈絕言必麗則潘陸鮑謝沈任陰何之倫此其選也若乃阮籍左思郭璞陶潛江淹庾信之六君子者聲出金石氣成虹蜺情深文明言近指遠上規風雅同符屈宋百世之下聞者莫不感發詩道之尊厥由於此豈若雕琢章句揣摩音響者哉今錄漢以來詩

迄於隋代導其源流備其正變旨義幽隱輒為條述庶無乖以意逆志之
義又以明夫詩之不可苟而已也嘉慶二十年冬十有一月陽湖張琦

宛鄰書屋古詩錄卷一

陽湖張琦

漢樂府歌辭八十首

郊祀歌十九章

漢書禮樂志云郊祀歌十九章藝文志載秦一雜甘泉壽宮歌詩十四篇蓋不數天馬寶鼎芝房白麟赤

雁五篇非常歌也

練時日

練時日。侯有望。炳背蕭。延四方。九重開。靈之游。垂惠恩。鴻祐休。靈之車。結

玄雲。駕飛龍。羽旄紛。靈之下。若風馬。左蒼龍。右白虎。靈之來。神哉沛。先以

雨。般班同喬喬。靈之至。慶陰陰。相放悉。震澹心。靈已坐。五音飭。虞至旦。承靈

億。牲繭粟。棗盛香。尊桂酒。賓八鄉。靈安留。吟青黃。徧觀此。眺瑤堂。衆嬖並

綽。竒麗。顏如茶。兆遂靡。被華文。廁霧縠。曳阿錫。珮珠玉。俠挾同嘉夜。萑蘭芳。

澹容與。獻嘉觴。漢書上遂郊雍至隴西登空同幸甘泉令祠官寬舒等具秦一祠壇做亮忘秦一壇三垓五帝壇環居其下各如其

方黃帝西南除八通鬼道其下四方地為殿食羣神從者及北斗云按此郊見秦一之樂延四方即五帝壇各如其方也賓八鄉即除八通鬼道也

帝臨

帝臨中壇。四方承宇。繩繩意變。備得其所。清和六合。制數以五。海內安寧。

興文區武后土富媪昭明三光穆穆優游嘉服上黃

續牢具已祠盡瘞而從祠衣上黃

漢書后土宜於澤中園丘為五壇壇一黃

青陽以下四章漢書裁鄒子樂作

青陽開動根莖以遂膏潤并愛。踐行畢逮。霆聲發榮。壘處頃傾聽。枯藁復

產。乃成厥命。衆庶熙熙。施及天胎。羣生嘒嘒。惟春之祺。

朱明

朱明盛長。粵與萬物讀為通生茂。豫靡有所訕。敷華就實。既阜既昌。登成

甫田。百鬼迪嘗。廣大建祀。肅雍不忘。神若宥之。傳世無疆。

西顛

西顛沆碭。秋氣肅殺。含秀垂穎。續舊不廢。姦偽不萌。秋孽伏息。隅辟僻越

遠。四貉咸服。既畏茲威。惟慕純德。附而不驕。正心翊翊。

玄冥

玄冥陵陰。蟄蟲蓋藏。草木零落。抵冬降霜。易亂除邪。革正異俗。兆民反本。

抱素懷樸。條理信義。望禮五嶽。籍斂之時。掩收嘉穀。

惟泰元

惟泰元尊。媪神蕃釐。經緯天地。作成四時。精建日月。星辰度理。陰陽五行。周而復始。風雲雷電。降甘露雨。百姓蕃滋。咸循厥緒。繼統共勤。順皇之德。鸞路龍鱗。罔不矜飾。嘉邊列陳。庶幾宴享。滅除凶災。烈騰八荒。鐘鼓竽笙。雲舞翔翔。招搖靈旗。九夷賓將。

漢書其秋為伐南越。告禱泰一。以杜刑。畫始元年。丞相匡衡奏罷鸞路龍鱗。更定詩曰。涓選休成。

天地

天地並况。惟予有慕。爰照紫壇。思求厥路。恭承禋祀。緼豫為紛。黼黻周張。承神至尊。千童羅舞。成八溢同。合好幼歡。虞泰一。九歌畢奏。斐然殊。鳴琴竽瑟會軒朱。璆磬金鼓。靈具有喜。百官濟濟。各敬其事。盛牲實俎。進聞膏神。奄留臨須。搖長麗。前拔光耀。明寒暑不忒。况皇章。展詩應律。銷玉鳴函。宮吐角激。徵清發。梁揚羽。申以商。造茲新音。永久長。聲氣遠條。鳴鳳翔神。夕奄虞。盖孔享。

漢書丞相匡衡奏罷黼黻。周章更定詩曰。肅若舊典。

日出

古詩錄 卷一 二 歸葉山房

日出入安窮。時世不與人同。故春非我春。夏非我夏。秋非我秋。冬非我冬。泊如四海之池。徧觀是耶。謂何。吾知所樂。獨樂六龍。六龍之調。使我心若。訾黃其何不徠下。

天馬歌

元狩三年秋馬生渥注水中作天馬之歌此首篇也太初四年春貳師將軍李廣利斬大宛王首獲汗血馬作西極

此二篇之歌

太一况。天馬下。霑赤汗。沫流赭。志倣僮。精權竒。蕭浮雲。掩上馳。體容與。世萬里。今安匹。龍為友。

天馬徠。從西極。涉流沙。九夷服。天馬徠。出泉水。虎脊兩。化若鬼。天馬徠。歷

無阜。草經千里。循東道。天馬徠。執徐時。將搖舉。誰與期。天馬徠。開遠門。諫

子身。逝昆侖。天馬徠。龍之媒。游閭闔。觀玉臺。天馬二章合為一章故目曰九章柳或止數元狩三年

之歌俟更考

天門

天門開。誅蕩蕩。穆並騁。以臨饗。光夜燭。德信著。靈寢平。而行鴻長生。豫

太行字疑。朱涂廣。夷石為堂。飾玉梢。以舞歌。體招搖。若永望。星留俞。塞隕光。

照紫帷珠煩黃幡比玻回集貳雙飛常羊月穆穆以金波日華耀以宣明
假清風軋忽激長至重觴神裊裊若留放矧矧莫親以肆章函蒙祉福常
若期寂滲上天知厥時泛泛滇滇從高旂殷勤此路臚所求桃正嘉吉宏
以昌休嘉研隱溢四方專精屬意逝九闕紛云六幕浮大海此祠甘泉壽宮神君漢書
神君最貴者曰太一其佐曰太紫司命之屬皆從之來則風肅然居室惟中

景星漢書元鼎五年得鼎汾陰作

景星顯見信星彪列象載昭庭日親以察參侔開闔爰推本紀汾睢出鼎
皇佑元始五音六律依韋饗昭雜變並會雅聲遠姚空桑琴瑟結信成四
興遞代八風生殷殷鐘石羽籥鳴河龍供鯉醇犧牲百末旨酒布蘭生泰尊
柘漿祈朝醒微感心攸通修名周流常羊思所并穰穰復正直往甯馮蠲
切和疏寫乎上天布施后土成穰穰豐年四時榮

齊房漢書元封二年芝生甘泉齊房作

齊房產草九莖蓮葉宮童効異披圖案謀元氣之精回復此都蔓蔓日茂
芝成靈華

后皇

后皇嘉壇。立玄黃服。物發冀州。兆蒙祉福。汎汎四塞。假狄合處。經營萬億。咸遂厥宇。

華煜煜

華煜煜。固靈根。神之旂。過天門。車千乘。敷昆侖。神之出。排玉房。周流雜。披蘭堂。神之行。旌容容。騎沓沓。般縱儼。神之徠。泛翊翊。甘露降。慶雲集。神之愉。臨壇宇。九疑賓。夔龍舞。神安坐。鷄吉時。共翊翊。合所思。神嘉虞。申貳觴。福滂洋。邁延長。沛施祐。汾之阿。揚金光。橫秦河。莽若雲。增揚波。徧臚歡。騰天歌。此疑祠后土汾陰

五神

五神相包。四鄰土地。廣揚浮雲。托嘉壇。椒蘭芳。璧玉精。垂華光。益億年。美始興。交於神。若有承。廣宣延。咸畢觴。靈與位。偃蹇驪。卉汨臚。析奚遺。淫淶澤。漣然歸。漢書五帝泰一之佐也

朝隴首

漢書元狩元年行幸雍獲白麟作

朝隴首覽西垠。雷電登獲白麟。爰五止顯黃德。圖甸虐熏鶯。極闢流離。抑不祥。賓百僚。山河饗。掩回轅。鬻長馳。騰雨師。灑路陂。流星隕。感惟風。簫歸雲。撫懷心。

象載瑜

漢書太始三年行幸東海獲赤鴈作

象載瑜。白集西。食甘露。飲榮泉。赤鴈集。六紛員。殊翁雜。五采文。神所見。施祉福。登蓬萊。結無極。

赤蛟

赤蛟綏黃華。蓋露夜零。晝晻溢百君。禮六龍位。勺椒漿。靈已醉。靈既享。錫吉祥。芒芒極。降嘉觴。靈殷殷。爛揚光。延壽命。永未央。杳冥冥。塞六合。澤汪濊。輯萬國。靈禋禋。象與羲。栗然逝。旗凌蛇。禮樂成。靈將歸。托玄德。長無哀。
此送神之樂

安世房中歌十七章

漢書云十七章高祖唐山夫人所作諸本並云十六章今分章畧出已見以就漢書之目

太孝備矣。休德昭清。高張四縣。樂充公庭。芬樹羽林。雲景杳冥。金支秀華。庶旒翠旌。

七始華始肅倡和聲。神來宴娛庶幾是。聽粥粥音送。細齊人情。忽乘青玄。

熙事備成。清思眈眈。經緯冥冥。

音送奏樂送神也

我定歷數。人告其心。勅身齊戒。施教申申。乃立祖廟。敬明尊親。大矣孝熙。四極爰臻。

王侯秉德。其鄰翼翼。顯明昭式。清明營矣。皇帝孝德。竟全大功。撫安四極。海內有姦。紛亂東北。詔撫成師。武臣行德。行樂交逆。蕭勺羣慝。肅為濟哉。蓋定燕國。

大海蕩蕩。水所歸高。賢愉愉。民所懷。太山崔。百卉植。民何貴。貴有德。

安其所。樂終產。樂終產。世繼緒。飛龍秋。游上天。高賢愉。樂民人。

豐草萋。女蘿施。善何如。誰能回。大莫大。成教德。長莫長。被無極。

雷震震。電燿燿。明德鄉。治本約。

讀為要

治本約。澤宏大。加被寵。咸相保。德施。

大世曼壽。

都荔遂芳。宵窅桂華。孝奏天儀。若日月光。察玄四龍。回馳北行。羽旄殷盛。

芳哉芒芒。孝道隨世。我署文章。

桂華

馮馮翼翼承天之則吾易久遠燭明四極慈惠所受美若休德杳杳冥冥

克綽永福

美芳劉奉世曰桂華美芳二詩章名本側註在前篇之末傳寫之誤遂以冠後美芳亦當作美若

磴磴卽卽師象山則嗚呼孝哉案撫戎國蠻夷竭歡象來致福兼臨是愛終無兵革

嘉薦芳矣告靈饗矣告靈既饗德音孔臧惟德之臧建侯之常承保天休令問不忘

皇皇鴻明蕩侯休德嘉承天和伊樂厥福在樂不荒惟民之則

浚則師德下民咸殖令問在舊孔容翼翼

孔容之常承帝之明下民之樂子孫保光承順溫良爰帝之光嘉薦令芳壽考不忘

承帝明德師象山則雲施稱民永受厥福承容之常承帝之明下民安樂受福無疆

鼓吹曲

戰城南

戰城南死郭北野死不葬烏可食。為我謂烏且為客豪。野死諒不葬。腐肉安能去。子逃水深激激。蒲葦冥冥。梟騎戰鬪死。駑馬徘徊鳴。梁築室。何以南。何以北。禾黍不獲。君何食。願為忠臣安可得。思子良臣。良臣誠可思。朝行出攻。莫不夜歸。將帥僥倖成功。不恤士卒之死。水深激激。喻法令之酷。之所猶室。必求禾黍也。謀之不臧。願為忠臣。不可得思。古良臣不得已。而用兵。必能師出以律。所以深戒贖武也。

有所思

有所思。乃在大海南。何用問遺君。雙珠玳瑁簪。用玉紹繚之。聞君有他心。拉雜摧燒之。摧燒之。當風揚其灰。從今已往。勿復相思。相思與君絕。雞鳴狗吠。兄嫂當知之。妃呼締。秋風蕭蕭。晨風颼颼。東方須臾高知之。兄嫂當知。潔白也。東方須臾。可誓。天日既言。與君絕。而復自表潔白。反覆言之。蓋猶冀幸君之一悟也。

上邪

上邪。我欲與君相知。長命無絕衰。山無陵。江水為竭。冬雷震震。夏雨雪。天地合。乃敢與君絕。陳祚明曰。人臣至死不變之心。

臨高臺

臨高臺以軒下有清水清且寒江有香草日以蘭黃鵠高飛離哉翻關弓射鵠令我主壽萬年收中吾南山有臺之古劉履曰收中吾義未詳疑曲調之餘聲如樂錄所謂羊無夷伊那和之類

樂府雜曲

登葆引

公無渡河公竟渡河墮河而死當奈公何

江南

江南可採蓮蓮葉何田田魚戲蓮葉間魚戲蓮葉東魚戲蓮葉西魚戲蓮

葉南魚戲蓮葉北蕩而無節東門宛邱之旨也

薤露歌

薤上露何易晞露晞明朝更復落人死一去何時歸

萬里曲

萬里誰家地聚斂魂魄無賢愚鬼伯一何相催促人命不得少踟躕

雞鳴

雞鳴高樹巔狗吠深宮中蕩子何所之天下方太平刑法非有貸忒柔協

正亂名黃金為君門璧玉為軒堂。上有雙樽酒作使。邯鄲倡劉王。碧青巒

後出郭門王

疑誤行

舍後有方池。池中雙鴛鴦。鴛鴦七十二。羅列自成

行。鳴聲何啾啾。聞我殿東廂。兄弟四五人。皆為侍中郎。五日一時來觀者

滿路旁。黃金絡馬頭。頰頰何煌煌。桃生露井上。李樹生桃旁。蟲來齧桃根

李樹代桃殭。樹木身相代。兄弟還相忘。

雞狗各安其所。與蕩子之無所也。世方治平。刑法無忒。宜剛柔相

協正治名義乃兄弟多貴。或曾無相念而急難者。

烏生

烏生八九子。端坐秦氏桂樹間。嗒我秦氏家有遨遊蕩子。工用睢陽彊

蘇合彈。左手持彊彈。兩丸出入烏東西。嗒我一丸即發中烏身。烏死魂魄

飛揚上天。阿母生烏子時。乃在南山巖石間。嗒我人民安知烏子處。蹊徑

窈窕安從通。白鹿乃在上林西苑中。射工尚復得白鹿脯。嗒我黃鵠摩天

極高飛。後宮尚復得烹煮之。鯉魚乃在洛水深淵中。釣釣尚得鯉魚口。嗒

我人民生各有壽命。死生何須復道前後。

則蹊徑窈窕亦未可恃也。乃以人。然如白鹿等無辜遇害之多。國有死強為排解之辭。意更沈痛。

平陵東

漢程義門人所作義為東都太守
王莽篡漢起兵討之不克見害

平陵東松柏桐不知何人劫義公劫義公在高堂下交錢百萬兩走馬兩走馬亦誠難願見追吏心中惻心中惻血出流歸告我家賣黃犢

陌上桑

日出東南隅照我秦氏樓秦氏有好女自名為羅敷羅敷善蠶桑採桑城南隅青絲為籠係桂枝為籠鉤頭上倭墮髻耳中明月珠綉綺為下裙紫綺為上襦行者見羅敷下擔捋髭鬚少年見羅敷脫帽著幘頭耕者忘其犁鋤者忘其鋤乘歸相怨怒但坐觀羅敷解一使君從南來五馬立踟躕使君遣吏往問是誰家妹秦氏有好女自名為羅敷羅敷年幾何二十尚不足十五頗有餘使君謝羅敷寧可共載不羅敷前致辭使君一何愚使君自有婦羅敷自有夫解二東方千餘騎夫婿居上頭何用識夫婿白馬從驪駒青絲繫馬尾黃金絡馬頭腰中鹿盧劍可值千萬餘十五府小吏二十朝大夫三十侍中郎四十專城居為人潔白皙鬢鬢頗有鬚盈盈公府步

冉冉府中趨坐中數千人皆言夫婿殊

三解○此賢者不從權安之詞日出二句言所處光大青絲六句言

志行修潔行者八句見衆望歸之羅敷自有夫峻節嚴辭東方千餘騎以下持為使君言之所謂不可與莊語也恰與使君從南來二句相比照

長歌行二首

青青園中葵。朝露待日晞。陽春布德澤。萬物生光輝。常恐秋節至。焜黃花葉衰。百川東到海。何時復西歸。少壯不努力。老大徒傷悲。

岌岌山上亭。皎皎雲間星。遠望使人思。遊子戀所生。驅車出北門。遙觀洛陽城。凱風吹長棘。夭夭枝葉傾。黃鳥飛相追。咬咬弄音聲。佇立望西河。泣下沾羅纓。

君子行

君子防未然。不處嫌疑間。瓜田不納履。李下不整冠。嫂叔不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世稱聖賢。

相逢行

相逢狹路間。道隘不容車。不知何年少。夾轂問君家。君家誠易知。易知復難忘。黃金為君門。白玉為君堂。堂上置樽酒。作使邯鄲倡。中庭生桂樹。華

燈何煌煌。兄弟兩三人。中子為侍郎。五日一來歸。道上自生光。黃金絡馬頭。觀者盈道旁。入門時左顧。但見雙鴛鴦。鴛鴦七十二。羅列自成行。音聲何嗷嗷。鳴鶴東西廂。大婦織綺羅。中婦織流黃。小婦無所為。挾瑟上高堂。文人且安坐。調絲方未央。狹路難險所云路幽昧以險隘者也不知何年少絕之之詞備陳其家之侈靡以刺權要也

長安有狹邪行

長安有狹邪。狹邪不容車。適逢兩少年。夾轂問君家。君家新市旁。易知復難忘。大子二千石。中子孝廉郎。小子無官職。衣冠任洛陽。三子俱入室。室中自生光。大婦織綺綺。中婦織流黃。小婦無所為。挾瑟上高堂。文人且徐徐。調絃詎未央。

善哉行

來日大難。口燥唇乾。今日相樂。皆當喜歡。解經歷名山。芝草翻翻。仙人王喬奉藥一丸。二解自惜袖短。內手知寒。慚無靈輶。以報趙宣。三解月沒參橫。北斗闌干。親交在門。飢不及餐。四解歡日尚少。戚日苦多。以何忘憂。彈箏酒歌。五解淮南八公。要道不煩。參駕六龍。遊戲雲端。六解○正意傷來日之難而強言今日之樂且樂之不足

而思名山芝草王喬奉藥皆不得已之辭三解自傷失位不欲顯刺也四解而天下竟無如靈軌之報趙宣者志節墮敗引為己漸不飲顯刺也四解正言來日之難月沒參橫北斗闌干是何等時勢惟博引賢者飢不及餐急急補救所謂天之方蹶無然泄泄者也五六解收轉相樂駕龍遊戲其目不忍見之意乎

隴西行

天上何所有。歷歷種白榆。桂樹夾道生。青龍對道隅。鳳皇鳴啾啾。一母將九雛。顧視世間人。為樂甚獨殊。好婦出迎客。顏色正敷愉。伸腰再拜跪。問客平安不。請客北堂上。坐客羶氎觥。清白各異樽。酒上正華疏。酌酒持與客。客言主人持。邵畧再拜跪。然後持一杯。談笑未及竟。左顧敕中厨。促令辦麤飯。慎莫使稽留。廢禮送客出。盈盈府中趨。送客亦不遠。足不過門樞。取婦得如此。齊姜亦不如。健婦持門戶。亦勝一丈夫。陳祚明曰此必當時譏之迎客豈婦人之事今始終酬酢成禮而返不斥言譏之末四句反用稱美語寓諷于頌但中間逗出廢禮二字乃是正意隱藏不露案一起故作荒唐之言即興意已自諷刺顯無

步出夏門行

邪徑過空廬。好人常獨居。卒得神仙道。上與天相扶。過謁王父母。乃在太

山隅離天四五里。道逢赤松俱攬轡。為我御將吾天上遊。天上何所有。歷
歷種白榆。桂樹夾道生。青龍對仗。跌通首俱為必不熟之語所
以諷刺權貴折其邪謀也

折楊柳行

默默施行違。厥罰隨事來。未喜殺龍逢。桀放於鳴條。解一祖伊言不用紂頭
懸白旄。指鹿用為馬。胡亥以喪軀。解二夫差臨命絕。乃云負子胥。戎王納女
樂以亡其由。余璧馬禍及虢。二國俱為墟。解三夫成市虎。慈母投杼。趨卞
和之刖足。接輿歸草廬。解四

西門行

出西門步念之。今日不作樂。當在何時。逮為樂。逮為樂。當及時。何能愁悌
鬱。當復待來茲。釀美酒。炙肥牛。請呼心所懽。可用解憂愁。人生不滿百。常懷
千歲憂。晝短苦夜長。何不秉燭遊。遊行去去如雲除。敝車羸馬為自儲。陳
祚

明曰笈士夫
職者所作

出東門

出東門。不願歸。來入門。悵欲悲。盜中無斗米。儲還視祭上。無懸衣。拔劍出

門去。舍中兒女牽衣啼。他家但願富貴。賤妾與君共舖麩。上用倉浪天。故

下當用此黃口兒。今非咄行。吾去為遲。白髮時下難久居。此亦西門行之意。出門則欲不

顧歸入門則又悵然以悲他家四句妻子之辭

出東門不願歸來。入門悵欲悲。蓋中無斗儲。還視桁上無懸衣。解拔劍出

門去。兒女牽衣啼。他家但願富貴。賤妾與君共舖麩。解共舖麩。上用倉浪

天。故下為黃口小兒。今時清廉難犯教言。君復自愛莫為非。解今時清廉

難犯教言。君復自愛莫為非。行吾去為遲。平慎行。望君歸。四解。前一曲本解後一曲晉

樂所奏增入數語意更厚章法亦移步換形前篇教妻子之辭而以吾去為遲難久居作結是歸重出門不願歸也此篇教妻子之辭而以望君歸

作結是不願歸意即在妻子一邊消納則是歸重來入門二句也

婦病行

婦病連年。累歲傳呼丈人前。一言當言。未及得言。不知淚下。一何翩翩屬

累君。兩三孤子。莫我兒饑且寒。有過慎莫笞。行當折搖。思復念之。亂曰。

抱時無衣。襦復無裏。閉塞牖。舍孤兒到市。道逢親交。泣坐不能起。從乞求

與孤買餌。對交啼泣。淚不可止。我欲不傷悲。不能已。探懷中錢持授。交入

門見孤啼索其母抱徘徊空舍中行復爾耳棄置勿復道

孤兒行

孤兒生孤子遇生命獨當苦父母在時乘堅車駕駟馬父母已去兄嫂令我行賈南到九江東到齊與魯臘月來歸不敢自言苦頭多蟣蝨面目多塵大兄言解飯大嫂言視馬上高堂行取殿下堂孤兒淚下如雨使我朝行汲暮得水來歸手為錯足下無菲一作愴愴履霜中多蒺藜拔斷蒺藜

腸因中愴欲悲淚下漉漉清涕纍纍冬無複襦夏無單衣居生不樂不如早去下從地下黃泉春氣動草萌芽三月蠶桑六月收瓜將是瓜車來到還家瓜車反覆助我者少啗瓜者多願還我蒂兄與嫂嚴獨且急歸當與校計亂曰里中一何謊繞願欲寄尺書將與地下父母兄嫂難與久居陳詐

明曰行取殿當是計校子母多折閱也如殿最之殿

雁門太守行

後漢書王渙字稚子廣漢郡人舉茂才除温令遷兗州刺史坐考妓言不實論遷洛陽令政平訟理發奸

摘伏如神元興初病卒百姓咨嗟男女老壯相與奠醢以千數為立祠安陽亭西每食輒絃歌而薦之

孝和帝在時洛陽令王君本自益州廣漢蜀民少行官學通五經論解明

知法令。歷世衣冠。從溫補洛陽令。治行致賢。擁護百姓。子養萬民。解外行
猛政。內懷慈仁。文武備具。料民富貧。移惡子姓。篇著里端。解三傷殺人比伍
同罪對門。禁釐矛八尺。捕輕薄少年。加笞決罪。詣馬市論。解四無妄發賦念
在理。冤赦吏正獄。不得苛煩。財通用錢三十。買繩理竿。解五賢哉賢哉。我縣
王君。臣衣冠奉事皇帝。功曹主簿。皆得其人。解六臨部居職。不敢行恩。清
身苦體。夙夜勞動。治有能名。遠近所聞。解七天年不遂。早就奄昏。為君作祠。
安陽亭西。欲令後世莫不稱傳。解八

豔歌何嘗行二首

飛來雙白鵝。乃從西北方。十五五羅列成行。妻卒被病。行不能相隨。五
里一返顧。六里一徘徊。吾欲銜汝去。口噤不能開。吾欲負汝去。毛羽何推
頰。樂哉新相知。憂來生別離。躊躇顧羣侶。淚下不自知。

念與君離別。氣結不能言。各各重自愛。遠道歸還難。妾當守空房。閉門下
重關。若生當相見。亡者會黃泉。今日樂相樂。萬歲期延年。

豔歌行二首

翩翩堂前燕。冬藏夏來見。兄弟兩三人。流宕在他縣。故衣誰當補。新衣誰
當綻。賴得賢主人。覽取為我紐。夫婿從門來。斜倚西北昐。語卿且勿昐。水清
石自見。石見何纍纍。遠行不如歸。此應為不能固窮而貶節者。諷水清石
見意本無他。君子防未然。不處嫌疑間。

故雖石見纍
纍不如歸也

南山石菟菟。松柏何離離。上枝拂青雲。中心十數圍。洛陽發中梁。松樹竊
自悲。斧鋸截是松。松樹東西推。持作四輪車。載至洛陽宮。觀者莫不歎。問
是何山林。誰能刻鏤此。公輸與魯班。被之用丹漆。熏用蘇合香。本為南山
松。今為宮殿梁。陳曰此高士泥
中曳尾之思

怨詩行

天德悠且長。人命一何促。百年未幾時。奄若風吹燭。嘉賓難再遇。人命不
可續。齊度遊四方。各繫太山錄。人間樂未央。忽然歸東嶽。當須盪中情。遊
心恣所欲。

淮南王篇

淮南王。自言尊。百尺高樓與天連。後園鑿井銀作牀。金瓶素綆汲寒漿。汲

寒漿飲少年少年窈窕何能賢揚聲悲歌音絕天我欲渡河河無梁願化
雙黃鵠還故鄉還故鄉入故里徘徊故鄉苦身不已繁舞寄聲無不奏排
徊桑梓遊天外陳祥明曰哀淮王之詞

傷歌行

昭昭素明月輝光燭我牀憂來不能寐耿耿夜何長微風吹閨闥羅帷自飄
揚攬衣曳長帶屣履下高堂東西安所之徘徊以傍徨春鳥翻南飛翩翩
獨翱翔悲聲命儔匹哀鳴傷我腸感物懷所思泣涕忽沾裳佇立吐高吟

舒憤訴穹蒼首二句許辭微風二句憤辭

悲歌

悲歌可以當泣遠望可以當歸思念故鄉鬱鬱累累欲歸家無人欲渡河
無船心思不能言腸中車輪轉

古詩為焦仲卿妻作并序

漢末建安中廬江府小吏焦仲卿妻劉氏為仲卿母所遣自誓不嫁其家逼之乃沒水而死仲卿聞之亦自縊於庭樹時人傷之為

詩云

孔雀東南飛。五里一徘徊。十三能織素。十四學裁衣。十五彈箜篌。十六誦詩書。十七為君婦。心中常苦悲。君既為府吏。守節情不移。賤妾留空房。相見常日稀。雞鳴入機織。夜夜不得息。三日斷五匹。大人故嫌遲。非為織作遲。君家婦難為。妾不堪驅使。徒留無所施。便可白公姥。及時相遣歸。府吏得聞之。上堂啟阿母。兒已薄祿相。幸復得此婦。結髮同枕席。黃泉共為友。共事三二年。始爾未為久。女行無偏邪。何意致不厚。阿母謂府吏。何乃太區區。此婦無禮節。舉動自專由。吾意久懷忿。汝豈得自由。東家有賢女。自名秦羅敷。可憐體無比。阿母為汝求。便可速遣之。遣去慎莫留。府吏長跪告。伏惟啟阿母。今若遣此婦。終老不復取。阿母得聞之。槌牀便大怒。小子無所畏。何敢助婦語。吾已失恩義。會不相從許。府吏默無聲。再拜還入戶。舉言謂新婦。哽咽不能語。我自不驅卿。逼迫有阿母。卿但暫還家。吾今且報府。不久當還歸。還必當迎取。以此下心意。慎勿違吾語。新婦謂府吏。勿復重紛紜。往昔初陽歲。謝家來貴門。奉事循公姥。進止敢自專。晝夜勤作息。伶俜縈苦辛。謂言無罪過。供養卒大恩。仍更被驅遣。何言復來還。妾有

繡腰襦。歲疑自生光。紅羅複斗帳。四角垂香囊。箱簾六七十。綠碧青絲繩。物物各自異。種種在其中。人賤物亦鄙。不足迎後人。留待作遺施。於今無會因。時時為安慰。久久莫相忘。雞鳴外欲曙。新婦起嚴妝。著我繡袂裙。事事四五通。足下躡絲履。頭上玳瑁光。腰若流紈素。耳著明月璫。指如削蔥根。口如含朱丹。纖纖作細步。精妙世無雙。上堂拜阿母。阿母怒不止。昔作女兒時。生小出野里。本自無教訓。兼愧貴家子。受母錢帛多。不堪母驅使。今日還家去。念母勞家裏。却與小姑娘別。淚落連珠子。新婦初來時。小姑娘扶牀。今日被驅遣。小姑娘如我長。勤心養公姥。好自相扶將。初七及下九。嬉戲莫相忘。出門登車去。涕落百餘行。府吏馬在前。新婦車在後。隱隱何甸甸。俱會大道口。下馬入車中。低頭共耳語。誓不相隔卿。且暫還家去。吾今且赴府。不久當還歸。誓天不相負。新婦謂府吏。感君區區懷。君既若見錄。不久望君來。君當作磐石。妾當作蒲葦。蒲葦紐如絲。磐石無轉移。我有親父兄。性行暴如雷。恐不任我意。逆以煎我懷。舉手長勞勞。二情同依依。入門上家堂。進退無顏儀。阿母大拊掌。不圖子自歸。十三教汝織。十四能裁衣。十五

彈登後十六知禮義十七遣汝嫁謂言無誓違汝今何罪過不迎而自歸
蘭芝慚阿母。免實無罪過。阿母大悲。推還家十餘日。縣令遣媒來。云有弟
三郎。窮窶世無雙。年始十八九。便言多令才。阿母謂阿女。女可去應之。阿
女含淚答。蘭芝初還時。府吏見丁寧。結誓不別離。今日違情義。恐此事非
奇。自可斷來信。徐徐更謂之。阿母白媒人。貧賤有此女。始適還家門。不堪
吏人婦。豈合令郎君。幸可廣問訊。不得便相許。媒人去數日。尋遣丞請還。
說有蘭家女。承籍有官官。云有第五郎。嬌逸未有婚。遣丞為媒人。主簿通
語言。直說太守家。有此令郎君。既欲結大義。故遣來貴門。阿母謝媒人。女
子先有誓。老姥豈敢言。阿兄得聞之。悵然心中煩。舉言謂阿妹。作計何不
量。先嫁得府吏。後嫁得郎君。否泰如天地。足以榮汝身。不嫁義郎體。其往
欲何云。蘭芝仰頭答。理實如兄言。謝家事夫婿。中道還。允門處分適。允意
那得自任專。雖與府吏要。渠會永無緣。登即相許和。便可作婚媾。媒人下
牀去。諾諾復爾爾。還部白府君。下官奉使命。言談大有緣。府君得聞之心
中大歡喜。視歷復開書。便利此月內。六合正相應。良吉三十日。今已二十

七。卿可去成婚。交語速裝束。絡繹如浮雲。青雀白鵝舫。四角龍子幡。婀娜隨風轉。金車玉作輪。躑躅青驄馬。流蘇金縷鞍。齋錢三百萬。皆用青絲穿。雜綵三百疋。交廣市鮭珍。從人四五百。鬱鬱登郡門。阿母謂阿女。適得府君書。明日來迎汝。何不作衣裳。莫令事不舉。阿女嘿無聲。手中掩口啼。淚落便如瀉。移我琉璃榻。出置前窗下。左手持刀尺。右手執綾羅。朝成繡袂。裙晚成單羅。衫。掩掩日欲暝。愁思出門啼。府吏聞此變。因求假暫歸。未至二。三里。摧藏馬悲哀。新婦識馬聲。躑躅相逢迎。悵然遙相望。知是故人來。舉手拍馬鞍。嗟歎使心傷。自君別我後。人事不可量。果不如先願。又非君所詳。我有親父母。逼迫兼弟兄。以我應他人。君還何所望。府吏謂新婦。賀卿得高遷。磐石方且厚。可以卒千年。蒲葦一時紐。便作旦夕間。卿當日勝貴。我獨向黃泉。新婦謂府吏。何意出此言。同是被逼迫。君爾妾亦然。黃泉下相見。勿違今日言。執手分道去。各各還家門。生人作死別。恨恨那可論。念與世間辭。千萬不復全。府吏還家去。上堂拜阿母。今日大風寒。寒風摧樹木。嚴霜結庭蘭。兒今日冥冥。令母在後單。故作不良計。勿復怨鬼神。命如南

山石四體康且直。阿母得聞之。零淚應聲落。汝是大家子。仕宦於臺閣。慎勿為婦死。貴賤情何薄。東家有賢女。窈窕艷城郭。阿母為汝求。便復在旦夕。府吏再拜還。長歎空房中。作計乃爾立。轉頭向戶裏。漸見愁煎迫。其日牛馬嘶。新婦入青廬。蒼蒼黃昏後。寂寂人初定。我命絕今日。魂去尸長留。攬裙脫絲履。舉身赴清池。府吏聞此事。心知長別離。徘徊顧樹下。自挂東南枝。兩家求合葬。合葬華山傍。東西植松柏。左右種梧桐。枝枝相覆蓋。葉葉相交通。中有雙飛鳥。自名為鴛鴦。仰頭相向鳴。夜夜達五更。行人駐足聽。寡婦起彷徨。多謝後世人。戒之慎勿忘。

枯魚過河泣

枯魚過河泣。何時悔復及。作書與魴鱖。相教慎出入。

雜歌

晨行梓道中。梓葉相切磨。與君別交中。繡如新練羅。裂之有餘絲。吐之無還期。

猛虎行

饑不從猛虎食。暮不從野雀棲。野雀安無巢。遊子為誰驕。

古八變歌

北風初秋至。吹我章華臺。浮雲多暮色。似從崦嵫來。枯桑鳴中林。緯絡響空階。翩翩飛蓬征。愴愴遊子懷。故鄉不可見。長望始此回。

古歌

上金殿。著玉樽。延貴客。入金門。入金門。上金堂。東厨具肴膳。椎牛烹猪羊。主人前進酒。彈琴為清商。投壺對彈棋。博奕並復行。朱火颺烟霧。博山吐微香。清樽發朱顏。四座樂且康。今日樂相樂。延年壽千霜。金殿貴客專務逸樂諷刺意在

外言

古歌

秋風蕭蕭愁殺人。出亦愁。入亦愁。座中何人。誰不懷憂。令我白頭。故地多

颺風。樹木何修修。離家日趨遠。衣帶日趨緩。心思不能言。腸中車輪轉。起

氣來慘然出亦愁入亦愁感感靡所騁也座中之人但知懷憂而莫肯言者益令我白頭矣何人者鄙之之辭故鄉日遠欲歸休而不得心思其事

而不能言蓋自傷卑賤亦以諷座中之人也

豔歌

今日樂上樂相從步雲衢天公出美酒河伯出鯉魚青龍前鋪席白虎持
榼壺南斗工鼓瑟北斗吹笙竽姮娥垂明璫織女奉瑛琚蒼霞揚東謳清
風流西歛垂露成帷幄奔星扶輪輿

如此乃為樂則其悲可知矣奇麗出於楚辭

古咄咄歌

棗下何攢攢榮華各有時棗欲初赤時人從四邊來棗適今日賜誰當仰

視之

賜盡也程公署門之意

宛鄰書屋古詩錄卷二

陽湖張琦

漢詩二十六家四十七首無名氏三十二首古歌謠十二首

高帝大風歌

大風起兮雲飛揚。威加海內兮思故鄉。安得猛士兮守四方。

高帝鴻鵠歌

鴻鵠高飛一舉千里。羽翼已就橫絕四海。橫絕四海又可奈何。雖有矰繳將安所施。

武帝瓠子歌二首

瓠子決兮將奈何。浩浩盱盱兮慮殫為河。殫為河兮地不得寧。功無已時兮吾山平。吾山平兮鉅野溢。魚弗鬱兮柏冬日。正道弛兮離常流。蛟龍騁兮放遠遊。歸舊川兮神哉沛。不封禪兮安知外。為我謂河伯兮何不仁。泛濫不止兮愁吾人。鬻桑浮兮淮泗滿。久不返兮水維緩。

河湯湯兮激潺湲。北渡回兮迅流難。蹇長窵兮湛沈美玉。河伯許兮薪不

屬。薪不屬兮衛人罪。燒蕭條兮噫乎何。以禦水。隕林竹兮楛石菑。宣防塞

兮萬福來。

武帝秋風辭

秋風起兮白雲飛。草木黃落兮雁南歸。蘭有秀兮菊有芳。懷佳人兮不能忘。汎樓船兮濟汾河。橫中流兮揚素波。蕭鼓鳴兮發擢歌。歡樂極兮哀情多。少壯幾時兮奈老何。

武帝蒲梢天馬歌

天馬徠兮從西極。經萬里兮歸有德。承靈威兮障外國。涉流沙兮四夷服。

武帝李夫人歌

夫人早卒帝思念不已方士夜致其神帷帳中帝益悲為作詩

是邪非邪立而望之。翩何姍姍其來遲。

昭帝淋池歌

秋素景兮泛洪波。揮纖手兮折芰荷。涼風淒淒揚棹歌。雲光開曙月低河。萬歲為樂豈云多。

燕刺王旦歌

旦與姊蓋長公主上官桀交通謀廢昭帝迎立燕倉告之王憂懣置酒萬載宮會賓客羣臣妃妾坐飲王自歌

華容夫人起舞坐者皆泣王遂自殺

歸空城兮狗不吠。雞不鳴。橫術何廣廣兮。固知國中之無人。

華容夫人和歌

髮紛紛兮寘渠。骨籍籍兮亡居。毋求死子兮妻求死夫。襄回兩渠閒兮君子將安居。

卓文君白頭吟

相如將聘茂陵人女文君作此以自絕相如乃止

皚如山上雪。皎若雲間月。聞君有兩意。故來相決絕。今日斗酒會。明日溝水頭。躑躅御溝上。溝水東西流。淒淒復淒淒。嫁娶不須啼。願得一人心。白頭不相離。竹竿何嫋嫋。魚尾何篔簹。男兒重意氣。何用錢刀為。陳祚明日明作決絕

語然語語有冀望之情焉何其善立言也錢刀以此頭色將意氣二字責之

蘇武詩四首

骨肉緣枝葉。結交亦相因。四海皆兄弟。誰為行路人。况我連枝樹。與子同一身。昔為鴛鴦。今為參與辰。昔者常相近。邈若胡與秦。惟念當乖離。恩情日以新。鹿鳴思野草。可以喻嘉賓。我有一尊酒。欲以贈達人。願子留斟酌。敘此平生親。

結髮為夫妻。恩愛兩不疑。歡娛在今夕。燕婉及良時。征夫懷往路。起視夜

何其參辰皆已沒。去去從此辭。行役在戰場。相見未有期。握手一長歎。淚為生別滋。努力愛春華。莫忘歡樂時。生當復來歸。死當長相思。

黃鵠一遠別。千里顧徘徊。胡馬失其羣。思心常依依。何況雙飛龍。羽翼臨當乖。幸有絃歌曲。可以喻中懷。請為遊子吟。泠泠一何悲。絲竹厲清聲。慷慨有餘哀。長歌正激烈。中心愴以推。欲展清商曲。念子不得歸。俛仰內傷心。淚下不可揮。願為雙黃鵠。送子俱遠飛。

此與下章蓋歸漢時贈李陵詩

燭燭晨明月。馥馥秋蘭芳。芬馨良夜發。隨風聞我堂。征夫懷遠路。遊子戀故鄉。寒冬十二月。晨起踐嚴霜。俯觀江漢流。仰視浮雲翔。良友遠別離。各在天一方。山海隔中州。相去悠且長。嘉會難再遇。懽樂殊未央。願君崇令德。隨時愛景光。

李陵與蘇武詩三首

良時不再至。離別在須臾。屏營衢路側。執手野踟躕。仰視浮雲馳。奄忽互相踰。風波一失所。各在天一隅。長當從此別。且復立斯須。欲因晨風發。送子以賤軀。

攜手上河梁。遊子暮何之。徘徊路側恨。恨不能辭行人難。久留各言長相思。安知非日月。弦望自有時。努力崇明德。皓首以為期。嘉會難再遇。三載為千秋。臨河濯長纓。念子悵悠悠。遠望悲風至。對酒不能酬。行人懷往路。何以慰我愁。獨有盈觴酒。與子結綢繆。

李延年歌

北方有佳人。絕世而獨立。一顧傾人城。再顧傾人國。寧不知傾城與傾國。佳人難再得。

王昭君怨詩

秋木萋萋。其葉萎黃。有鳥處山。集于苞桑。養育毛羽。形容生光。既得升雲。上遊曲房。離宮絕曠。身體摧藏。志念抑沈。不得頡頏。雖得委食。心有徊徨。我獨伊何。來往變常。翩翩之燕。遠集西羌。高山峩峩。河水泱泱。父兮母兮。道里悠長。嗚呼哀哉。憂心惻傷。

班婕妤怨歌行

新製齊紈素。皎潔如霜雪。裁為合歡扇。團團似明月。出入君懷袖。動搖微

風發常恐秋節至涼飈殺炎熱棄捐篋笥中恩情中道絕

無名氏古詩十九首

行行重行行與君生別離相去萬餘里各在天一涯道路阻且長會面安
可期胡馬依北風越鳥巢南枝相去日已遠衣帶日已緩浮雲蔽白日遊

子不顧返思君令人老歲月忽已晚棄捐勿復道努力加餐飯

此逐臣之辭讓詔蔽

明方正不容所以不顧返也然其不忘欲返之心拳拳不已雖歲月已晚猶努力加餐冀幸君之悟而返已

青青河畔草鬱鬱園中柳盈盈樓上女皎皎當窗牖娥娥紅粉妝纖纖出
素手昔為倡家女今為蕩子婦蕩子行不歸空牀難獨守

青青陵上柏磊磊澗中石人生天地間忽如遠行客斗酒相娛樂聊厚不
為薄驅車策駑馬遊戲宛與洛中何鬱鬱冠帶自相索長衢羅夾巷王
侯多第宅兩宮遙相望雙闕百餘尺極宴娛心意戚戚何所迫

陳祚明曰此失志之

士強用自慰也

今日良宴會懽樂難具陳彈箏奮逸響新聲妙入神令德唱高言識曲聽
其真齊心同所願含意俱未伸人生寄一世奄忽若飈塵何不策高足先

據要路津無為守窮賤。轅軻長苦辛。後六語反言之而意益明

西北有高樓。上與浮雲齊。交疏結綺窗。阿閣三重階。上有絃歌聲。音響一

何悲。誰能為此曲。無乃杞梁妻。清商隨風發。中曲正徘徊。一彈再三歎。慷

慨有餘哀。不惜歌者苦。但傷知音稀。願為雙鴻鵠。奮翅起高飛。

涉江采芙蓉。蘭澤多芳草。采之欲遺誰。所思在遠道。還願望舊鄉。長路漫

浩浩。同心而離居。憂傷以終老。離騷滋蘭樹蕙之旨

明月皎夜光。促織鳴東壁。玉衡指孟冬。眾星何歷歷。白露霑野草。時節忽

復易。秋蟬鳴樹間。玄鳥逝安適。昔我同門友。高舉振六翮。不念攜手好。棄

我如遺跡。南箕北有斗。牽牛不負軛。良無磐石固。虛名復何益。

冉冉孤生竹。結根泰山阿。與君為新婚。兔絲附女蘿。兔絲生有時。夫婦會

有宜。千里遠結婚。悠悠隔山陂。思君令人老。軒車來何遲。傷彼蕙蘭花。含

英揚光輝。過時而不采。將隨秋草萎。君亮執高節。賤妾亦何為。陳祥明曰此望錄於

君之辭不敢有訣絕怨望語用意忠厚

庭中有奇樹。綠葉發華滋。攀條折其榮。將以遺所思。馨香盈懷袖。路遠莫

致之。此物何足貴。但感別經時。陳祚明曰此亦望錄於君馨香以比己之才能

迢迢牽牛星。皎皎河漢女。織織擢素手。札札弄機杼。終日不成章。泣涕零

如雨。河漢清且淺。相去復幾許。盈盈一水間。脈脈不得語。忠臣見疏於君之辭

迴車駕言邁。悠悠涉長道。四顧何茫茫。東風搖百草。所遇無故物。馬得不

速老。盛衰各有時。立身苦不早。人生非金石。豈能長壽考。奄忽隨物化。榮

名以為寶。陳祚明曰失志之感不得已而託之名託之神仙託之飲酒以自解者其不解彌深

東城高且長。逶迤自相屬。迴風動地起。秋草萋已綠。四時更變化。歲暮一

何速。晨風懷苦心。蟋蟀傷局促。蕩滌放情志。何為自結束。燕趙多佳人。美

者顏如玉。被服羅裳衣。當戶理清曲。音響一何悲。絃急知柱促。馳情整巾

帶。沈吟聊躑躅。思為雙飛燕。銜泥巢君屋。

驅車上東門。遙望郭北墓。白楊何蕭蕭。松柏夾廣路。下有陳死人。杳杳即

長暮。潛寐黃泉下。千載永不寤。浩浩陰陽移。年命如朝露。人生忽如寄。壽

無金石固。萬歲更相送。賢聖莫能度。服食求神仙。多為藥所誤。不如飲美

酒。被服紉與素。陳祚明曰感慨激切愈淋漓愈含蓄

去者日以疏來者日以親出郭門直視但見邱與墳古墓犛為田松柏推
為薪白楊多悲風蕭蕭愁殺人思還故里問欲歸道無因忠臣去國懷君不能遽絕故欲

歸里問而託之道無因者雖騷馬踴顧而不行之義也

生年不滿百常懷千歲憂書短苦夜長何不秉燭遊為樂當及時何能待
來茲愚者愛惜費但為後世嗤仙人王子喬難可與等期

凜凜歲云暮螻蛄夕鳴悲涼風率已厲遊子寒無衣錦衾遺洛浦同袍與

我違獨宿累長夜夢想見容輝良人惟古懽枉顧惠前綏願得長巧笑攜

手同車歸既來不須臾又不處重闈亮無晨風翼焉能凌風飛眇昧以適

意引領遙相睇徙倚懷感傷垂涕沾雙扉此思友之辭

孟冬寒氣至北風何慘慄愁多知夜長仰觀衆星列三五明月滿四五蟾

兔缺客從遠方來遺我一書札上言長相思下言久離別置書懷袖中三

歲字不滅一心抱區區懼君不識察一書之後曠邈三歲在遠者或忘之豈知區區之心實愛珍重如此故曰

懼君不識察不言怨深於怨矣

客從遠方來遺我一端綺相去萬餘里故人心尚爾文彩雙鴛鴦裁為合

歡被著以長相思緣以結不解以膠投漆中誰能別離此

明月何皎皎照我羅牀幃憂愁不能寐攬衣起徘徊客行雖云樂不如早

旋歸出戶獨旁皇愁思當告誰引領還入房淚下沾裳衣第十一二十五六九

八首玉臺新詠云枚乘作第八首文心雕龍云傅毅作

無名氏古詩四首

上山採蘼蕪下山逢故夫長跪問故夫新人復何如新人雖言好未若故

人姝顏色類相似手爪不相如新人從門入故人從閣去新人工織縑故

人工織素織縑日一匹織素五丈餘將縑來比素新人不如故巧拙既殊純捷亦異

而愛憎取舍一切反之末世錄才大都爾爾顏色類相似言其表也手爪不相如言其用也怒而不怒猶有冀望之意

四坐且莫謚願聽歌一言請說銅爐器崔嵬象南山上枝似松柏下根據

銅盤雕文各異類離婁自相聯誰能為此器公輸與魯班朱火然其中青

烟颺其閒從風入君懷四座莫不歡香風難久居空令蕙草殘陳祚明曰以此已有

才能君不錄用

悲與親友別氣結不能言贈子以自愛道遠會見難人生無幾時顛沛在

其間念子棄我去。新心有所歡。結志青雲上。何時復來還。朋友有故而去不能留之贈子

以自愛誼也。新心有所懼慰之也。何時復來還。傷其不復來也。

穆穆清風至。吹我羅衣裾。青袍似春草。長條隨風舒。朝登津梁山。褰裳望所思。安得抱柱信。皎日以為期。

無名氏古詩三首

橘柚垂華實。乃在深山側。聞君好我甘。竊獨自彫飾。委身玉盤中。歷年冀見食。芳菲不相投。青黃忽改色。人儻欲我知。因君為羽翼。

十五從軍征。八十始得歸。道逢鄉里人。家中有阿誰。遙望是君家。松柏冢累累。兔從狗竇入。雉從梁上飛。中庭生旅穀。井上生旅葵。烹穀持作飯。采葵持作羹。羹飯一時熟。不知貽阿誰。出門東向望。淚落沾我衣。

新樹蘭蕙葩。雜用杜蘅草。終朝采其華。日暮不盈抱。采之欲遺誰。所思在遠道。馨香易銷歇。繁華會枯槁。悵望何所言。臨風送懷抱。

無名氏古詩

步出城東門。遙望江南路。前日風雪中。故人從此去。我欲渡河水。河水深

無梁願為雙黃鵠高飛還故鄉

無名氏古詩

行行隨道經歷山陂馬啖柏葉人啖柏脂不可長飽聊可過饑

無名氏飲馬長城窟行

玉臺新詠
作蔡邕

青青河邊草綿綿思遠道遠道不可思宿昔夢見之夢見在我傍忽覺在
他鄉他鄉各異縣展轉不可見枯桑知天風海水知天寒入門各自媚誰
肯相為言客從遠方來遺我雙鯉魚呼童烹鯉魚中有尺素書長跪讀素
書書中竟何如上有加餐食下有長相憶

馬援武溪深行

滔滔武溪一何深鳥飛不度獸不敢臨嗟哉武溪多毒淫

梁鴻五噫歌

陟彼北邙兮噫顧瞻帝京兮噫宮闕崔嵬兮噫民之劬勞兮噫遼遼未央
兮噫

班固詠史詩

三王德彌薄。惟後用內刑。太倉令有罪。就逮長安城。自恨身無子。困急獨
煢煢。小女痛父言。死者不可生。上書詣闕下。思古歌雞鳴。憂心摧折裂。晨
風揚激聲。聖漢孝文帝。惻然感至情。百男何憤憤。不如一緹縈。

張衡怨篇

猗猗秋蘭。植彼中阿。有馥其芳。有黃其葩。雖曰幽深。厥美彌嘉。之子之遠。
我勞如何。

張衡同聲歌

邂逅承際會。得充君後房。情好新交接。恐慄若探湯。不才勉自竭。賤妾職
所當。綢繆主中饋。奉禮助丞嘗。思為菀菀席。在下蔽匡牀。願為羅衾幃。在
上衛風霜。灑埽清枕席。親芬以狄香。重戶結金扃。高下華燈光。衣解巾粉
御。列圓陳枕張。素女為我師。儀態盈萬方。眾夫所希見。天老教軒皇。樂莫
斯夜樂。沒齒焉可忘。陳祥明曰。此比陳力之情。服勞无方。

張衡四愁詩 并序

張衡不樂久處機密。陽嘉中出為河間相。時天下漸弊。鬱鬱不得志。
為四愁詩。效屈原以美人為君子。以珍寶為仁義。以水深雪霧為小。

人思以道術為報詒於時君而體饒邪不得以通其辭曰

我所思兮在太山。欲往從之梁父艱。側身東望涕霑翰。美人贈我金錯刀。

何以報之英瓊瑤。路遠莫致倚逍遙。何為懷憂心煩勞。

我所思兮在桂林。欲往從之湘水深。側身南望涕霑襟。美人贈我金琅玕。

何以報之雙玉盤。路遠莫致倚惆悵。何為懷憂心煩傷。

我所思兮在漢陽。欲往從之隴坂長。側身西望涕霑裳。美人贈我貂襜褕。

何以報之明月珠。路遠莫致倚踟躕。何為懷憂心煩紆。

我所思兮在雁門。欲往從之雪雰雰。側身北望涕霑巾。美人贈我錦繡段。

何以報之青玉案。路遠莫致倚增歎。何為懷憂心煩惋。

蔡邕樊惠渠歌 并序

陽陵縣東其地行隩土氣年蝨嘉穀不植而涇水長流光和五年京兆尹樊君勤恤民隱乃立新渠曩之鹵田化為甘壤農氏怡悅相與謳歌疆畔斐然成章謂之樊惠渠云其辭曰

我有長流莫或闕之。我有溝澮莫或達之。田疇斥鹵莫修莫釐。饑饉困悴莫恤莫思。乃有樊君。作人父母。立我畎畝。黃潦膏凝。多稼茂止。惠乃無疆。

如何勿喜我壤既營我疆斯成泯泯我人既富且盈為酒為釀蒸彼祖靈
貽福惠君壽考且寧

蔡邕翠鳥

庭甌有若榴綠葉含丹榮翠鳥時來集振翼修形容回顧生碧色動搖揚
縹青幸脫虞人機得親君子庭馴心託君素雌雄保百齡

鄺炎見志詩

靈芝生河洲動搖因洪波蘭榮一何晚嚴霜悴其柯哀哉二芳草不植秦
山阿文質道所貴遭時用有嘉絳灌臨衡宰謂誼崇浮華賢才抑不用遠
投荆南沙抱玉乘龍驥不逢樂與和安得孔仲尼為世陳四科

仲長統述志詩二首

飛鳥遺跡蟬蛻亡殼騰蛇棄鱗神龍喪角至人能變達士拔俗乘雲無轡
騁風無足垂露成幃張霄成幄沆瀣當餐九陽代燭恒星豔珠朝霞潤玉
六合之內恣心所欲人事可遺何為局促

大道雖夷見幾者寡任意無非適物無可古來繚繞委曲如瑣百慮何為

至要在我寄愁天上。埋憂地下。叛散五經。滅棄風雅。百家雜碎。請用從火。
抗志山樓。游心海左。元氣為舟。微風為柁。翱翔太清。縱意容冶。

孔融雜詩

遠送新行客。歲暮乃來歸。入門望愛子。妻妾向人悲。聞子不可見。日已潛
光輝。孤墳在西北。當念君來遲。褰裳上墟邱。但見蒿與薇。白骨歸黃泉。肌
體成塵飛。生時不識父。死後知我誰。孤魂遊窮暮。飄飄安所依。人生圖享
息。爾死我念追。俛仰內傷心。不覺淚沾衣。人生自有命。但恨生日希。

孔融臨終詩

言多令事敗。器漏苦不密。河潰蟻孔端。山壞由猿穴。涓涓江漢流。天窗通
冥室。讒邪害公正。浮雲翳白日。靡辭無忠誠。華繁竟不實。人有兩三心。安
能合為一。三人成市虎。浸漬解膠漆。生存多所慮。長寢萬事畢。

秦嘉贈婦

曖曖白日。引曜西傾。啾啾雞雀。羣飛赴楹。皎皎明月。煌煌列星。嚴霜悽愴。
飛雪覆庭。寂寂獨居。寥寥空室。飄飄桂帳。熒熒華燭。爾不是居。帷帳何施。

爾不是照華燭何為

秦嘉留郡贈婦詩三首并序

嘉為上郡掾其妻徐淑寢疾還家不獲而別贈詩云爾

人生譬朝露居世多屯蹇憂艱常早至歡會常苦晚念當奉時役去爾日遙遠遣車迎子還空往復空返省書情悽愴臨食不能飯獨坐空房中誰與相勸勉長夜不能眠伏枕獨展轉憂來如循環匪席不可卷

皇靈無私親為善荷天祿傷我與爾身少小罹燿獨既得結大義歡樂苦不足念當遠離別思念敘款曲河廣無舟梁道近隔邱陸臨路懷惆悵中駕正躑躅浮雲起高山悲風激深谷良馬不回鞍輕車不轉轂鍼藥可虞進愁思難為數貞士篤終始恩義不可促

肅肅僕夫征鏘鏘揚和鈴清晨當引邁束帶待雞鳴顧看空室中髣髴想姿形一別懷萬恨起坐為不寧何用敘我心遺思致款誠寶釵好耀首明鏡可鑑形芳香去垢穢素琴有清聲詩人感木瓜乃欲答瑤瓊愧彼贈我厚慚此往物輕雖知未足報貴用敘我情

諸葛亮梁甫吟

步出齊城門。遙望蕩陰里。里中有三墳。累累正相似。問是誰家墓。田疆古冶子。力能排南山。文能絕地紀。一朝被讒言。二桃殺三士。誰能為此謀。相國齊晏子。深譏晏子之辭

辛延年羽林郎

昔有霍家奴。姓馮名子都。依倚將軍勢。調笑酒家胡。胡姬年十五。春日獨當壚。長裾連理帶。廣袖合歡襦。頭上藍田玉。耳後大秦珠。兩鬟何窈窕。一世良所無。一鬢五百萬。兩鬢千萬餘。不意金吾子。娉婷過我廬。銀鞍何煜爚。翠蓋空踟躕。就我求清酒。絲繩提玉壺。就我求珍肴。金盤膾鯉魚。貽我青銅鏡。結我紅羅裾。不惜紅羅裂。何論輕賤軀。男兒愛後婦。女子重前夫。人生有新故。貴賤不相踰。多謝金吾子。私愛徒區區。一奴而聲勢赫奕。橫肆無忌。若此。所以深刺權要也。

宋子侯董嬌娆

洛陽城東路。桃李生路旁。花花自相對。葉葉自相當。春風東北起。花葉正低昂。不知誰家子。提籠行採桑。纖手折其枝。花落何飄颺。請謝彼妹子。何

為見損傷高秋八月白露變為霜終年會飄墮安得久馨香秋時自零
落春月復芬芳何時盛年去權愛永相忘吾欲竟此曲此曲愁人腸歸來
酌美酒挾瑟上高堂士不遇時多見權抑因花落而感興秋時四語言花
落猶能復榮盛年一去則權愛永忘意更沈痛何時
者忽不自
知之辭

蘇伯玉妻盤中詩

山樹高鳥鳴悲泉水深鯉魚肥空倉鵲常苦饑吏人婦會夫希出門望見
白衣謂當是而更非還入門中心悲北上堂西入階急機絞杼聲催長歎
息當語誰君有行妾念之出有日還無期結巾帶長相思君忘妾未知之
妾忘君罪當治妾有行宜知之黃者金白者玉高者山下者谷姓者蘇字
伯玉人才多知謀足家居長安身在蜀何惜馬蹄歸不數羊肉千斤酒百
斛令君馬肥麥與粟今時人知四足與其書不能讀當從中央周四角

竇元妻古怨歌

煢煢白兔東走西顧衣不如新人不如故

蔡文姬悲憤詩

漢季失權柄董卓亂天常志欲圖篡弒先害諸賢良逼迫遷舊邦擁主以自疆海內興義師欲共討不祥卓衆來東下金甲耀日光平土人脆弱來兵皆胡羌獵野圍城邑所向悉破亡斬截無子遺尸骸相掌拒馬邊縣男頭馬後載婦女長驅西入關迴路險且阻還顧邈冥冥肝脾為爛腐所略有萬計不得令屯聚或有骨肉俱欲言不敢語失意幾微聞輒言斃降虜要當以亭刃我曹不活汝豈復惜性命不堪其詈罵或便加捶杖毒痛參並下旦則號泣行夜則悲吟坐欲死不能得欲生無一可彼蒼者何辜乃遭此厄禍邊荒與華異人俗少義理處所多霜雪胡風春夏起翩翩吹我衣肅肅入我耳感時念父母哀歎無窮已有客從外來聞之常歡喜迎問其消息輒復非鄉里邂逅徼時願骨肉來迎己己得自解免當復棄兒子天屬綴人心念別無曾期存亡永乖隔不忍與之辭兒前抱我頸問母欲何之人言母當去豈復有還時阿母常仁惻今何更不慈我尚未成人奈何不顧思見此崩五內恍惚生狂癡號泣手撫膺當發復回疑兼有同時輩相送告離別慕我獨得歸哀叫聲摧裂馬為立踟躕車為不轉轍觀者

皆歔歔。行路亦嗚咽。去去割情戀。迨征日遐邁。悠悠三千里。何時復交會。
念我出腹子。胸臆為摧敗。既至家人盡。又復無中外。城郭為山林。庭宇生
荆艾。白骨不知誰。縱橫莫覆蓋。出門無人聲。豺狼號且吠。焚焚對孤景。怛
唳糜肝肺。登高遠眺望。魂神忽飛逝。奄若壽命盡。旁人相寬大。為復強視
息。雖生何聊賴。託命於新人。竭心自勗厲。流離成鄙賤。常恐復捐廢。人生
幾何時。懷憂終年歲。

無名氏擬李陵錄別詩二首

晨風鳴北林。熠燿東南飛。願言所相思。日暮不垂帷。明月照高樓。想見餘
光輝。玄鳥夜過庭。髣髴能復飛。塞裳路踟躕。彷徨不能歸。浮雲日千里。安
知我心悲。思得瓊樹枝。以解長渴饑。

紅塵蔽天地。白日何冥冥。微陰盛殺氣。淒風從此興。招搖西北指。天漢東
南傾。嗟爾穹廬子。獨行如履冰。短褐中無緒。帶斷續以繩。瀉水置瓶中。馬
辨淄與澠。巢父不洗耳。後世有何稱。

無名氏擬蘇武答詩

童童孤生柳。寄根河水泥。連翩遊客子。于冬服涼衣。去家千里餘。一身嘗
渴饑。寒夜立清庭。仰瞻天漢湄。寒風吹我骨。嚴霜切我肌。憂心常慘戚。晨
風為我悲。瑤光遊何速。行願去何遲。仰視雲間星。忽若割長帷。低頭還自
憐。盛年行已衰。依依戀明世。愴愴難久懷。

古歌謠

古絕句四首

橐砧今何在。山上復有山。何當大刀頭。破鏡飛上天。
日暮秋雲陰。江水清且深。何用通音信。蓮花玳瑁簪。
菟絲從長風。根莖無斷絕。無情尚不離。有情安可別。
南山一樹桂。上有雙鴛鴦。千年長交頸。歡慶不相忘。

古歌

高田種小麥。終久不成穗。男兒在他鄉。焉得不憔悴。

古樂府

蘭草自然香。生於大道旁。腰鎌八九月。俱在東新中。

鄭白渠歌

田於何所池陽谷口。鄭國在前。白渠起後。舉鍤如雲。決渠為雨。涇水一石。其泥數斗。且溉且糞。長我禾黍。衣食京師。億萬之口。

隴頭歌二首

隴頭流水。流離四下。念我行役。飄然曠野。登高望遠。涕零雙墮。
隴頭流水。鳴聲幽咽。遙望秦川。肝腸斷絕。

成帝時童謠

燕燕尾涎涎。張公子。時相見。木門倉琅根。燕飛來。啄皇孫。皇孫死。燕啄矢。
桓帝初小麥童謠

小麥青青大麥枯。誰當穫者婦與姑。丈夫何在西擊胡。吏買馬。君具車。請為諸公鼓隴胡。

城上烏童謠

城上烏。尾畢通。公為吏。子為徒。一徒死。百乘車。車班班。入河間。河間姦女。工數錢。以錢為室。金為堂。石上慊慊。春黃梁。梁下有懸鼓。我欲擊之。丞卿。

怒

[Faint vertical text columns, likely bleed-through from the reverse side of the page]

宛鄰書屋古詩錄卷三

陽湖張琦

魏樂府歌辭四首詩五家八十五首

鼓吹曲四首 繆襲作

克官渡

改漢上之回為克官渡言曹公與袁紹戰破之於官渡也

克紹官渡由白馬僵屍流血被原野賊衆如犬羊王師尚寡沙埽傍風飛揚轉戰不利士卒傷今日不勝後何望土山地道不可當卒勝大捷震冀方屠城破邑神武遂章

舊邦

改漢翁離為舊邦言曹公克官渡還譙收賊死亡將士也

舊邦蕭條心傷悲孤魂翩翩當何依遊士戀故涕如摧兵起事大令願違傳求親戚在者誰立廟置後魂來歸

定武功

改漢戰城南為定武功言曹公初破鄴城武功之定始乎此也

定武功濟黃河河水湯湯旦暮有橫流波袁氏欲哀兄弟尋干戈決漳水水流滂沱嗟城中如流魚誰能復顧室家計窮慮盡求來連和和不時心中憂戚賊衆內潰君臣奔北拔鄴城奄有魏國王業艱難覽觀古今可為

長歎

屠柳城

改漢巫山高為屠柳城言曹公城北塞歷白檀破烏桓於柳城也

屠柳城功誠難。越度隴塞路漫漫。北踰周平。但聞悲風正酸。蹋頓投首。遂登白狼山。神武熱海外。永無北顧患。

武帝短歌行

對酒當歌。人生幾何。譬如朝露。去日苦多。慨當以慷。憂思難忘。何以解憂。惟有杜康。青青子衿。悠悠我心。但為君故。沈吟至今。呦呦鹿鳴。食野之苹。我有嘉賓。鼓瑟吹笙。明明如月。何時可掇。憂從中來。不可斷絕。越陌度阡。枉用相存。契濶談讌。心念舊恩。月明星稀。烏鵲南飛。繞樹三匝。何枝可依。山不厭高。海不厭深。周公吐哺。天下歸心。

武帝觀滄海

東臨碣石。以觀滄海。水何澹澹。山島竦峙。樹木叢生。百草豐茂。秋風蕭瑟。洪波湧起。日月之行。若出其中。星漢燦爛。若出其裏。幸甚至哉。歌以詠志。

武帝龜雖壽

神龜雖壽猶有竟時。騰蛇乘霧終為土。灰老驥伏櫪志在千里。烈士暮年壯心不已。盈縮之期不但在天。養怡之福可得永年。幸甚至哉。歌以詠志。

武帝苦寒行

北上太行山。艱哉何巍巍。羊腸坂詰屈。車輪為之摧。樹木何蕭瑟。北風聲正悲。熊羆對我蹲。虎豹夾路啼。谿谷少人氏。雪落何霏霏。延頸長歎息。遠行多所懷。我心何怫鬱。思欲一東歸。水深橋梁絕。中路正徘徊。迷惑失故路。薄暮無宿棲。行行日已遠。人馬同時饑。擔囊行取薪。斧冰持作糜。悲彼東山詩。悠悠使我哀。

武帝卻東西門行

鴻雁出塞北。乃在無人鄉。舉翅萬里餘。行止自成行。冬節食南稻。春日復北翔。田中有轉蓬。隨風遠飄揚。長與故根絕。萬歲不相當。奈何此征夫。安得去四方。戎馬不解鞍。鎧甲不離傍。冉冉老將至。何時反故鄉。神龍藏深泉。猛獸步高岡。狐死歸首邱。故鄉安可忘。

武帝薤露

惟漢二十世。所任誠不良。沐猴而冠帶。知小而謀彊。猶豫不敢斷。因狩執君王。白虹為貫日。已亦先受殃。賊臣執國柄。殺主滅宇京。蕩覆帝基業。宗廟以燔喪。播越西遷移。號泣而且行。瞻彼洛城郭。微子為哀傷。

武帝高里行

關東有義士。興兵討羣凶。初期會盟津。乃心在咸陽。軍合力不齊。躊躇而雁行。勢利使人爭。嗣還自相戕。淮南弟稱號。刻璽於北方。鎧甲生蟣蝨。萬姓以死亡。白骨露於野。千里無雞鳴。生民百遺一。念之斷人腸。

文帝善哉行二首

上山采薇。薄暮苦饑。谿谷多風。霜露沾衣。

解一野雉羣。猿猴相追。還望故

鄉。鬱何壘壘。

解二

高山有崖。林木有枝。憂來無方。人莫之知。

解三

人生如寄。多

憂何為。今我不樂。歲月其馳。

解四

湯湯川流。中有行舟。隨波轉薄。有似客遊。

解五

策我良馬。被我輕裘。載馳載驅。聊以忘憂。

解六

有美一人。婉如青揚。妍姿巧笑。和媚心腸。知音識曲。善為樂方。哀絃微妙。

清氣含芳。流鄭激楚。度宮中商。感心動耳。綺麗難忘。離鳥夕宿。在彼中洲。

延頸鼓翼悲鳴相求。眷然顧之。使我心愁。嗟爾昔人。何以忘憂。

文帝燕歌行

秋風蕭瑟。天氣涼。草木搖落。露為霜。羣燕辭歸。雁南翔。念君客遊。思斷腸。慊慊思歸。戀故鄉。君何淹留。寄他方。賤妾榮榮。守空房。憂來思君。不敢忘。不覺淚下。沾衣裳。援琴鳴絃。發清商。短歌微吟。不能長。明月皎皎。照我牀。星漢西流。夜未央。牽牛織女。遙相望。爾獨何辜。限河梁。

文帝佳人期

朝與佳人期。日夕殊不來。嘉肴不嘗。旨酒停杯。寄言飛鳥。告余不能俯折。蘭英仰結。桂枝佳人不在。結之何為。從爾何所之。乃在大海隅。靈若道言。貽爾明珠。企予望之。步立踟躕。佳人不來。何得斯須。

文帝夫容池作

乘輦夜行遊。逍遙步西園。雙渠相漑灌。嘉木繞通川。卑枝拂羽蓋。修條摩蒼天。驚風扶輪轂。飛鳥翔我前。丹霞夾明月。華星出雲間。上天垂光彩。五色一何鮮。壽命非松喬。誰能得神仙。遨遊快心意。保已終百年。

文帝雜詩二首

漫漫秋夜長。烈烈北風涼。展轉不能寐。披衣起彷徨。彷徨忽已久。白露沾我裳。俯視清水波。仰看明月光。天漢回西流。三五正縱橫。草蟲鳴何悲。孤雁獨南翔。鬱鬱多悲思。綿綿思故鄉。願飛安得翼。欲濟河無梁。向風長歎息。斷絕我中腸。

西北有浮雲。亭亭如車蓋。惜哉時不遇。適與飄風會。吹我東南行。行行至吳會。吳會非我鄉。安得久留滯。棄置勿復陳。客子常畏人。

文帝於譙作

清夜延貴客。明燭發高光。豐膳漫星陳。旨酒盈玉觴。絃歌奏新曲。游響拂丹梁。餘音赴迅節。慷慨時激揚。獻酬分交錯。雅舞何鏘鏘。羅纓從風飛。長劍自低昂。穆穆衆君子。和合同樂康。

文帝清河作

方舟戲長水。湛澹自浮沉。絃歌發中流。悲響有餘音。音聲入君懷。悽愴傷人心。心傷安所念。但願恩情深。願為晨風鳴。雙飛翔北林。

文帝代劉勳妻王氏雜詩二首

玉臺以為王宋自作今從藝文王宋者平鹵將軍劉勳妻也後勳悅司馬

氏文以宋無子出之還於道中作詩

翩翩牀前帳張以蔽光輝昔將爾同去今將爾同歸絨藏篋笥裏當復何時披

誰言去婦薄去婦情更重千里不唾井况乃昔所奉遠望未為遙踟躕不得並

甄后塘上行

蒲生我池中其葉何離離傍能行仁義莫若妾自知衆口鑠黃金使君生別離念君去我時獨愁常苦悲想見君顏色感結傷心脾念君常苦悲夜夜不能寐莫以豪賢故棄捐素所愛莫以魚肉賤棄捐蔥與薤莫以麻枲賤棄捐菅與蒯出亦復苦愁入亦復苦愁邊地多悲風樹木何儵儵從軍志獨樂延年壽千秋

明帝長歌行

靜夜不能寐耳聽衆禽鳴大城育孤兔高墉多鳥聲壞宇何寥廓宿屋邪

草生中心感時物。撫劍下前庭。翔祥於階際。景星一何明。仰首觀靈宿。北辰奮休榮。哀悲失羣燕。喪偶獨煢煢。單心誰與侶。造房孰與成。徒然喟有和。悲慘傷人情。余情偏易感。懷往增憤盈。吐吟音不徹。泣涕沾羅纓。陳昨應感母氏之屏居故愴心孤燕不能自己

明帝種瓜篇

種瓜東井上。冉冉自踰垣。與君新為婚。瓜葛相結連。寄託不肖軀。有如倚太山。兔絲無根株。蔓延自登緣。萍藻託清流。常恐身不全。被蒙邱山惠。賤妾執拳拳。天日照知之。想君亦俱然。

陳思王植飛龍篇

晨遊泰山雲霧窈窕。忽逢二童。顏色鮮好。乘彼白鹿。手翳芝草。我知真人。長跪問道。西登玉臺。金樓複道。授我仙藥。神皇所造。教我服食。還精補腦。壽同金石。永世難老。

陳思王植薤露行

天地無窮極。陰陽轉相因。人居一世閒。忽若風吹塵。願得展功勤。輸力於

明君懷此王佐才。慷慨獨不羣。鱗介尊神龍。走獸宗麒麟。蟲獸猶知德。何況於士人。孔氏刪詩書。王業燦已分。騁我徑寸翰。流藻垂華芬。

陳思王植鰕鮓篇

鰕鮓遊潢潦。不知江海流。燕雀戲藩柴。安識鴻鵠遊。世士此誠明。大德固無俦。駕言登五嶽。然後小陵邱。俯觀上路人。勢利惟是謀。讐高念皇家。懷遠柔九州。撫劍而雷音。猛氣縱橫浮。汎泊徒嗷嗷。誰知壯士憂。

陳思王植吁嗟篇

吁嗟此轉蓬。居世何獨然。長去本根逝。宿夜無休閒。東西經七陌。南北越九阡。卒遇回風起。吹我入雲閒。自謂終天路。忽然下沈泉。驚飈接我出。故歸彼中田。當南而更北。謂東而反西。宕宕當何依。忽亡而復存。飄飄周八澤。連翩歷五山。流轉無恒處。誰知吾苦艱。願為中林草。秋隨野火燔。糜滅豈不痛。願與根莖連。魏志植十三年而三徙都常汲汲無歡故其言如此

陳思王植豫章行二首

窮達難豫圖。禍福信亦然。虞舜不逢堯。耕耘處中田。太公未遇文。漁釣終

渭川不見魯孔某。窮困陳蔡間。周公下白屋。天下稱其賢。
鴛鴦自朋親。不若比翼連。他人雖同盟。骨肉天性然。周公穆康叔。管蔡則
流言。子臧讓千乘。季札慕其賢。

陳思王植浮萍篇

浮萍寄清水。隨風東西流。結髮辭嚴親。來為君子仇。恪勤在朝夕。無端獲
罪尤。在昔蒙恩惠。和樂如瑟琴。何意今推頽。曠若商與參。茱萸自有芳。不
若桂與蘭。新人雖可愛。無若故所懽。行雲有反期。君恩儻中還。慊慊仰天
歎。愁心將何愬。日月不恒處。人生忽若寓。悲風來入懷。淚下如垂露。發篋
造裳衣。裁縫紉與素。

陳思王植筵篋引

置酒高殿上。親交從我遊。中厨辦豐膳。烹羊宰肥牛。秦箏何慷慨。齊瑟和
且柔。陽阿奏奇舞。京洛出名謳。樂飲過三爵。緩帶傾庶羞。主稱千金壽。賓
奉萬年酬。久要不可忘。薄終義所尤。謙謙君子德。磬折欲何求。驚風飄白
日。光景馳西流。盛時不可再。百年忽我遒。生存華屋處。零落歸山邱。先民

誰不死知命復何憂

陳思王植野田黃雀行

高樹多悲風海水揚其波利劍不在掌結友何須多不見籬間雀見鷄自
投羅羅家得雀喜少年見雀悲拔劍指羅網黃雀得飛飛飛摩蒼天來
下謝少年

陳祥明曰或有見於親友之蒙難心傷莫救

陳思王植門有萬里客

門有萬里客問君何鄉人褰裳起從之果得心所親挽裳對我泣太息前
自陳本是朔方士今為吳越民行行將復行去去適西秦

陳思王植怨詩行

明月照高樓流光正徘徊上有愁思婦悲歎有餘哀

一解借問歎者誰自云

蕩子妻夫行踰十載賤妾常獨棲

二解念君過於渴思君劇於飢君作高山

柏妾為濁水三解北風行蕭蕭烈烈入吾耳心中念故人淚墮不能止

四解

浮沈各異路會合何時諧願作東北風吹我入君懷

五解君懷常不開賤妾

當何依恩情中道絕流止任東西

六解我欲竟此曲此曲悲且長今日樂相

樂別後莫相忘

解

陳思王植怨歌行

為君既不易為臣良獨難忠信事不顯乃有見疑患周公佐成王金縢功不刊推心輔王室二叔反流言待罪居東國泣涕常流連皇靈大動變震雷風且寒拔樹偃秋稼天威不可干素服閱金縢感悟求其端公旦事既顯成王乃哀歎吾欲竟此曲此曲悲且長今日樂相樂別後莫相忘

陳思王植聖皇篇

聖皇應歷數正康帝道休九州咸賓服威德洞八幽三公奏諸王不得久淹留蕃位任至重舊章咸率由侍臣省文奏陛下體仁慈沈吟有愛戀不忍聽可之迫有官典憲不得顧恩私諸王當就國璽綬何累縲使時舍外殿宮省寂無人主上增顧念皇母懷苦辛何以為贈賜傾府竭寶珍文錢百億萬采帛若烟雲乘輿服御物錦羅與金銀龍旂垂九旒羽蓋參班輪諸王自計念無功荷厚德思一効筋力糜軀以報國鴻臚擁節衛副使隨經營責戚並出送夾道交輜輶車服齊整設鞞煜曜天精武騎衛前後鼓

吹簫茄聲。祖道魏東門。淚下沾冠纓。攀蓋因內顧。俛仰慕同生。行行將日暮。何時還闕庭。車輪為徘徊。四馬躊躇鳴。路人尚酸鼻。何況骨肉情。

陳思王植名都篇

名都多妖女。京洛出少年。寶劍直千金。被服麗且鮮。鬪雞東郊道。走馬長楸閒。馳騁未能半。雙兔過我前。攬弓捷鳴鏑。長驅上南山。左挽因右發。一縱兩禽連。餘巧未及展。仰手接飛鳶。觀者咸稱善。衆工歸我妍。歸來宴平樂。美酒斗十千。膾鯁膾胎鰕。炮鼈炙熊蹯。鳴嘯嘯匹侶。列坐竟長筵。連翩擊鞠壤。巧捷惟萬端。白日西南馳。光景不可攀。雲散還城邑。清晨復來還。刺

少年射獵遊燕
惟日不足也

陳思王植美女篇

美女妖且閑。採桑歧路閒。柔條紛冉冉。落葉何翩翩。攘袖見素手。皓腕約金環。頭上金爵釵。腰佩翠琅玕。明珠交玉體。珊瑚間木難。羅衣何飄颻。輕裾隨風還。顧盼遺光彩。長嘯氣若蘭。行徒用息駕。休者以忘餐。借問女安居。乃在城南端。青樓臨大路。高門結重關。容華曜朝日。誰不希令顏。媒氏

古詩金 卷三
何所營。玉帛不時安。佳人慕高義。求賢良獨難。衆人徒嗷嗷。安知彼所歡。
盛年處房室。中夜起長歎。

陳思王植白馬篇

白馬飾金羈。連翩西北馳。借問誰家子。幽并游俠兒。少小去鄉邑。揚聲沙漠垂。宿昔秉良弓。楛矢何參差。控弦破左的。右發摧月支。仰手接飛猱。俯身散馬蹄。狡捷過猿猴。勇剽若豹螭。邊城多警急。胡鹵數遷移。羽檄從北來。厲馬登萬堤。長驅蹈匈奴。左顧凌鮮卑。棄身鋒刃端。性命安可懷。父母且不顧。何言子與妻。名編壯士籍。不得中顧私。捐軀赴國難。視死忽如歸。

此言志之作

陳思王植升天行二首

乘蹻追術士。遠之蓬萊山。靈液飛素波。蘭桂上參天。玄豹遊其下。翔鷗戲其巔。乘風忽登舉。彷彿見衆仙。

扶桑之所出。乃在朝陽谿。中心陵蒼昊。布葉蓋天涯。日出登東幹。既夕沒西枝。願得紆陽轡。迴日使東馳。

陳思王植五遊篇

九州不足步。願得凌雲翔。逍遙八紘外。游目歷遐荒。披我丹霞衣。襲我素霓裳。華蓋芬晻藹。六龍仰天驤。曜靈未移景。倏忽造昊蒼。閭闔啟丹扉。雙闕曜朱光。徘徊文昌殿。登陟太微堂。上帝休西櫺。羣后集東廂。帶我瓊瑤佩。漱我沆瀣漿。踟躕玩靈芝。徙倚弄華芳。王子奉仙藥。羨門進竒方。服食享遐紀。延壽保無疆。

陳祚明曰此有託而言神仙者九州不足步其不得志於今之天下也審矣

陳思王植遠遊篇

遠遊臨四海。俯仰觀鴻波。大魚若曲陵。承浪相經過。靈鼈戴方丈。神嶽儼嵯峨。仙人翔其隅。玉女戲其阿。瓊蓋可療饑。仰首吸朝霞。崑崙本吾宅。神州非我家。將歸謁東父。一舉超流沙。鼓翼舞時風。長嘯激清歌。金石固易敝。日月同光華。齊年與天地。萬乘安足多。

陳思王植仙人篇

仙人攬六著。對博太山隅。湘娥拊琴瑟。秦女吹笙竽。玉樽盈桂酒。河伯獻神魚。四海一何局。九州安所如。韓終與王喬。要我於天衢。萬里不足步。輕

舉凌太虛。飛騰踰景雲。高風吹我軀。迴駕觀紫微。與帝合靈符。閭闔自嵯峨。雙闕萬丈餘。玉樹扶道生。白虎夾門樞。驅風遊四海。東過王母廬。俯觀五嶽間。人生如寄居。潛光養羽翼。進趨且徐徐。不見軒轅氏。乘龍出鼎湖。徘徊九天上。與爾長相須。

陳思王植鬪雞篇

遊目極妙伎。清聽厭宮商。主人寂無為。衆賓進樂方。長筵坐戲客。鬪雞觀閒房。羣雄正翕赫。雙翅自飛揚。揮羽邀清風。悍目發朱光。背落輕毛散。嚴距往往傷。長鳴入青雲。扇翼獨翱翔。願蒙狸膏助。常得擅此場。

陳思王植盤石篇

盤盤山巔石。飄飄澗底蓬。我本太山人。何為客淮東。蒹葭彌斥土。林木無分重。圻巖若崩缺。湖水何洶洶。蚌蛤被瀕涯。光彩如錦虹。高波凌雲霄。浮氣象螭龍。鯨脊若邱陵。鬚若山上松。呼吸吞船櫓。澎湃戲中鴻。方舟尋高價。珍寶麗以通。一舉必千里。乘颶舉帆幢。經危履險阻。未知命所鍾。常恐沈黃壚。下與鼇鼈同。南極蒼梧野。游盼窮九江。中夜指參辰。欲師疑誤或作歸

當定從仰天長太息思想懷故邦乘桴何所志吁嗟我孔公

陳思王植種葛篇

種葛南山下。葛藟自成陰。與君初婚時。結髮恩義深。懽愛在枕席。宿昔同
衣衾。竊慕棠棣篇。好樂和瑟琴。行年將晚暮。佳人懷異心。恩紀曠不接。我
情遂抑沈。出門當何顧。徘徊步北林。下有交頸獸。仰見雙棲禽。攀枝長歎
息。淚下沾羅襟。良馬知我悲。延頸代我吟。昔為同池魚。今為商與參。往古
皆懽遇。我獨困於今。棄置委天命。悠悠安可任。

陳思王植棄婦篇

石榴植前庭。綠葉搖縹青。丹華灼烈烈。璿彩有光榮。光榮煜流離。可以處
淑靈。有鳥飛來集。拊翼以悲鳴。悲鳴夫何為。丹華實不成。拊心長歎息。無
子當歸寧。有子月經天。無子若流星。天月相終始。流星沒無精。棲遲失所
宜。下與瓦石并。憂懷從中來。歎息通雞鳴。反側不能寐。逍遙於前庭。踟躕
還入房。肅肅帷幙聲。寡帷更攝帶。撫絃彈鳴箏。慷慨有餘音。要妙悲且清。
收淚長歎息。何以負神靈。招搖待霜露。何必春夏成。晚獲為良實。願君且

安寧

陳思王植妾薄命

日月既逝西藏。更會蘭室洞房。華燈步障舒光。皎若日出。沃桑促樽合坐。行觴主人起舞。盜盤能者穴觸。別端騰觚飛爵。闌干同量。等色齊顏。任意交屬所歡。朱顏發外形。蘭袖隨禮容。極情妙舞。僂僂體輕。裳解履遺。絕纓俛仰笑喧。無呈覽持佳人。玉顏齊舉金爵。翠盤手形羅袖。良難脫弱不勝珠環。坐者歎息舒顏。御中裹粉君旁。中有霍納都梁。雞舌五味雜香。進者何人。齊姜恩重。愛深難忘。召延親好。宴私但歌。柎來何處。客賦既醉。言歸主人稱露未晞。

陳思王植當來日大難

日苦短。樂有餘。乃置玉樽。辦東廚。廣情故。心相於。闔門置酒。和樂欣欣。遊馬後來。轅車解輪。今日同堂。出門異鄉。別易會難。各盡柎觴。

陳思王植當牆欲高行

龍欲升天。須浮雲。人之仕進。待中人。衆口可以鑠金。讒言三至。慈母不親。

憤憤俗閒不辨偽真願欲披心自說陳君門以九重道遠河無津

陳思王植當欲遊南山行

東海廣且深由卑下百川五嶽雖高大不逆垢與塵良木不十圍洪條無所因長者能博愛天下寄其身大匠無棄材船車用不均錐刀各異能何所獨卻前嘉善而終愚大聖亦同然仁者各壽考四座咸萬年

陳思王植桂之樹行

桂之樹桂之樹桂生一何麗佳揚朱華而翠葉流芳布天涯上有棲鸞下有盤螭桂之樹得道之真人咸來會講仙教爾服食日精要道甚省不煩淡泊無為自然乘蹻萬里之外去留隨意所欲存高高上際於衆外下下乃窮極地天

陳思王植精微篇

精微爛金石至心動神明杞妻哭死夫梁山為之傾子丹西質秦烏白馬角生鄒衍囚燕市繁霜為夏零闕東有賢女自字蘇來卿壯年報父仇身沒垂功名女休逢赦書白刃幾在頸俱上列仙籍去死獨就生太倉令有

罪遠徵當就拘。自悲居無男。禍至無與俱。緹縈痛父言。荷擔西上書。盤桓北闕下。泣淚何漣如。乞得并姊沒。身贖父軀。漢文感其義。肉刑法用除。其父得以免。辨義在列圖。多男亦何為。一女足成居。簡子南渡河。津吏廢舟船。執法將加刑。女娟擁權前。妾父聞君來。將涉不測淵。畏懼風波起。禱祝祭名川。備禮饗神祇。為君求福先。不勝醑祀誠。至今犯罰艱。君必欲加誅。乞使知罪讐。妾願以身代。至誠感蒼天。國君高其義。其父用赦原。河激奏中流。簡子知其賢。歸聘為夫人。榮寵超後先。辨女解父命。何況健少年。黃初發和氣。明堂德教施。治道致太平。禮樂風俗移。刑措民無枉。怨女復何為。聖皇長壽考。景福常來儀。

陳思王植責躬詩并表

臣植言。臣自抱嬰歸藩。刻肌刻骨。追思罪戾。書分而食。夜分而寢。誠以天網不可重罹。聖恩難可再恃。竊感相鼠之篇。無禮造死之義。形影相弔。五情愧服。以罪棄生。則違古人夕改之勸。思詬苟全。則犯詩人胡顏之譏。伏惟陛下德象天地。恩隆父母。施暢春風。澤如時雨。是以不別枳棘者。慶雲之惠也。七子均養者。鳩鳩之仁也。舍罪責者。明君之舉也。矜愚愛能者。慈父之恩也。是以愚臣徘徊於恩澤。而不取自棄者也。前奉詔書。臣等絕朝心。離志絕。僻處西館。未奉闕庭。踴躍不圖。聖詔猥垂。齒召至止之日。馳心輦轂。僻處西館。未奉闕庭。踴躍

之懷瞻望反側不勝犬馬戀主之情謹拜表并獻詩二篇詞旨淺末
不足來覽貴露下情冒顯以聞臣植誠惶誠恐頓首頓首死罪死罪

於穆顯考時惟武皇受命於天寧濟四方朱旗所拂九土披攘元化滂流
荒服來王超商越周與唐比蹤篤生武皇奕世載聰武則肅烈文則時雍
受禪於漢君臨萬邦萬邦既化率由舊則廣命懿親以藩王國帝曰爾侯
君茲青土奄有海濱方周於魯車服有輝旗章有敘濟濟俊乂我弼我輔
伊予小子恃寵驕盈舉挂時網動亂國經作藩作屏先軌是隳傲我皇使
犯我朝儀國有典刑我削我紘將寘於理元凶是率明明天子時惟篤類
不忍我刑暴之朝肆違彼執憲哀予小臣改封充邑於河之濱股肱弗置
有君無臣荒淫之闕孰弼予身煢煢僕夫於彼奠方嗟予小子乃罹斯殃
赫赫天子恩不遺物冠我玄冕要我朱紱光光大使我榮我華剖符受玉
王爵是加仰齒金璽俯執聖策皇恩過隆祇承休惕咨我小子頑凶是嬰逝
漸陵墓存愧闕庭匪敢傲德實恩是恃威靈改加足以沒齒昊天罔極生
命不圖常懼顛沛抱罪黃墟願蒙矢石建旗東嶽庶立毫釐微功自贖危
軀受命知足免戾甘赴江湘奮戈吳越天啟其衷得會京畿遲奉聖顏如

渴如饑心之云慕愴矣其悲天高聽卑皇肯照微

陳思王植應詔詩

肅承明詔應會皇都星陳夙駕秣馬脂車命彼掌徒肅我征旅朝發鸞臺夕宿蘭渚芒芒原隰祁祁士女經彼公田樂我稷黍爰有樛木重陰匪息雖有餘糧饑不違食望城不過面邑不游僕夫警策平路是由元駟藹藹揚鑣漂沫流風翼衡輕雲承蓋涉澗之濱緣山之隈遵彼河澗黃坂是堦西躋闕谷或降或升駢駘倦路載寢載興將朝聖皇匪敢宴寧弭節長驚指日邁征前驅舉燧後乘抗旌輪不輟運鑿無廢聲爰暨帝室稅此西墉嘉詔未賜朝覲莫從仰瞻城闕俯惟闕庭長懷永慕憂心如醒

陳思王植朔風詩五章

仰彼朔風用懷魏都願騁代馬倏忽北徂凱風永至思彼蠻方願隨越鳥

翻飛南翔

陳祚明曰當緣白馬王在楚故有蠻方之思

四氣代謝懸景運周別如俯仰脫若三秋昔初我遷朱華未晞今我旋止

素雪云飛

俯降千仞。仰登天阻。風飄蓬飛。載離寒暑。千仞易陟。天阻可越。昔我同袍。今永乖別。

子好芳草。豈忘爾貽。繁華將茂。秋霜悴之。君不垂眷。豈云其誠。秋蘭可喻。

桂樹冬榮。陳祚明曰。此懷子桓言。我非不以身許君。但恐年命不待。早凋可憂。君不念我。或饒人間之非。其衷誠秋蘭冬桂。比晚節之不渝也。

瑜也。琦謂秋霜悴之。即指貽削而言。此詩無年命不待之意。與君不垂眷恰一線也。

絃歌蕩思。誰與銷憂。臨川慕思。何為汎舟。豈無和樂。游非我鄰。誰忘泛舟。

愧無榜人。陳祚明曰。絃歌蕩思。思與同安樂。臨川慕思。思與同患。難不得同安樂。故游亦不歡。不得同患。難以無事權。

陳思王植閨情

有美一人。被服織羅。妖姿艷麗。翁若春華。紅顏韡煜。雲髻嵯峨。彈琴撫節。為我絃歌。清濁齊均。既亮且和。取樂今日。逞恤其他。

陳思王植七哀詩

明月照高樓。流光正徘徊。上有愁思婦。悲歎有餘哀。借問歎者誰。言是宕

子妻。君行踰十年。孤妾常獨棲。君若清路塵。妾若濁水泥。浮沈各異勢。會

合何時諧。願為西南風。長逝入君懷。君懷良不開。賤妾當何依。此與怨詩行各極其

妙雨存之可以識古
詩樂府之體格矣

陳思王植公宴詩

公子敬愛客。終宴不知疲。清夜遊西園。飛蓋相追隨。明月澄清影。列宿正參差。秋蘭被長坂。朱華冒淥池。潛魚躍清波。好鳥鳴高枝。神飈接丹轂。輕輦隨風移。飄飄放志意。千秋長若斯。

陳思王植贈徐幹

驚風飄白日。忽然歸西山。圓景光未滿。衆星燦以繁。志士營世業。小人亦不閒。聊且夜行遊。遊彼雙闕閒。文昌鬱雲興。迎風高中天。春鳩鳴飛棟。流飈激樛軒。顧念蓬室士。貧賤誠足憐。微藿弗充虛。皮褐猶不全。慷慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷璠璣美。積久德愈宣。親交義在敷。申章復何言。

陳思王植贈丁儀

初秋涼氣發。庭樹微銷落。凝霜依玉除。清風飄飛閣。朝雲不歸山。霖雨成川澤。黍稷委疇隴。農夫安所獲。在貴多忘賤。為恩誰能博。狐白足禦冬。馬

念無衣客思慕延陵子寶劍非所惜子其寧爾心親交義不薄

陳思王植贈丁翼

嘉賓填城闕豐膳出中厨吾與二三子曲宴北城隅秦箏發西氣齊瑟揚東謳者來不須歸觴至反無餘我豈狎異人朋友與我俱大國多良材譬海出明珠君子義體侍小人德無儲積善有餘慶榮枯立可須滔蕩固大節時俗多所拘君子通大道無願為世儒

陳思王植贈王粲

端坐苦愁思攬衣起西遊樹木發春華清池激長流中有孤鶯鶯哀鳴求匹疇我願執此鳥惜哉無輕舟欲歸忘故道願望但懷愁悲風鳴我側羲和逝不留重陰潤萬物何懼澤不周誰令君多念自使懷百憂

陳思王植贈白馬王彪七章并序

黃初四年正月白馬王任城王與余俱朝京師會節氣到洛陽任城王薨至七月與白馬王還國後有司以二王歸藩道路宜異宿止意毒恨之蓋以大別在數日是用自剖與王辭馬憤而成篇

謁帝承明廬逝將歸舊疆清晨發皇邑日夕過首陽伊洛廣且深歛濟川

無梁汎舟越洪濤。怒彼東路長。顧瞻戀城闕。引領情內傷。

太谷何寥廓。山樹鬱蒼蒼。零雨泥我途。流潦浩縱橫。中達絕無軌。改轍登

高岡。修坂造雲日。我馬玄以黃。以下五章首尾字皆銜接。此章獨否。疑合上為一章。証以韻亦當爾也。持多數語耳。

然自來皆作七章。今姑仍之以俟知者。

玄黃猶能進。我思鬱以紆。鬱紆將何念。親愛在離居。本圖相與偕。中更不

克俱。鷓鴣鳴衡軌。豺狼當路衢。蒼蠅聞白黑。讒巧令親疏。欲還絕無蹊。攬

轡止踟躕。

踟躕亦何留。相思無終極。秋風發微涼。寒蟬鳴我側。原野何蕭條。白日忽

西匿。歸鳥赴喬林。翩翩厲羽翼。孤獸走索羣。銜草不遑食。感物傷我懷。撫

心長太息。

太息將何為。天命與我違。奈何念同生。一往形不歸。孤魂翔故域。靈柩寄

京師。存者忽復過。亡沒身自哀。人生處一世。去若朝露晞。年年桑榆閒。影

響不能追。自顧非金石。咄嗒令心悲。

心悲動我神。棄置不復陳。丈夫志四海。萬里猶比鄰。恩愛苟不虧。在遠分

日親何必同衾幃。然後展殷勤。憂思成疾疹。無乃兒女仁。倉卒骨肉情。能不懷苦辛。

苦辛何慮思。天命信可疑。虛無求列仙。松子久吾欺。變故在斯須。百年誰能持。離別永無會。執手將何時。王其愛玉體。俱享黃髮期。收淚即長路。援筆從此辭。

陳思王植送應氏詩二首

步登北邙阪。遙望洛陽山。洛陽何寂寞。宮室盡燒焚。垣墻皆頓擗。荆棘上參天。不見舊耆老。但覩新少年。側足無行徑。荒疇不復田。遊子久不歸。不識陌與阡。中野何蕭條。千里無人烟。念我平常居。氣結不能言。

清時難屢得。嘉會不可常。天地無終極。人命若朝霜。願得展燕婉。我友之朔方。親昵並集送。置酒此河陽。中饋豈獨薄。賓飲不盡觴。愛至望苦深。豈不愧中腸。山川阻且遠。別促會日長。願為此翼鳥。施翮起高翔。

陳思王植三良詩

功名不可為。忠義我所安。秦穆先下世。三臣皆自殘。生時等榮樂。既沒同

憂患誰言捐軀易殺身誠獨難攬涕登君墓臨穴仰天歎長夜何冥冥一往不復還黃鳥為悲鳴哀哉傷肺肝詠三良即自言其志故曰忠義我所安

陳思王植雜詩七首

高臺多悲風朝日照北林之子在萬里江湖迴且深方舟安可極離思故難任孤雁飛南遊過庭長哀吟翹思慕達人願欲託遺音形影忽不見翩翾傷我心

轉蓬離本根飄飄隨長風何意迴飈舉吹我入雲中高高上無極天路安可窮類此遊客子捐軀遂從戎毛褐不掩形薇藿常不充去去莫復道沈

憂令人老

陳祚明曰轉蓬之喻常以自况毛褐云云想爾時服御裁削亦自不得如意耳

西北有織婦綺縠何繽紛明晨秉機杼日昃不成文太息終長夜悲嘯入青雲妾身守空閨良人行從軍日期三年歸今已歷九春飛鳥遠樹翔嗷嗷鳴索羣願為南流景馳光見我君

南國有佳人容華若桃李朝遊江北岸夕宿瀟湘沚時俗薄朱顏誰為發皓齒俛仰歲將暮榮耀難久恃

僕夫早嚴駕。吾將遠行遊。遠遊欲何之。吳國為我仇。將騁萬里途。東路安足由。江介多悲風。淮泗馳急流。願欲一輕濟。惜哉無方舟。閒居非吾志。甘心赴國憂。

飛觀百餘尺。臨牖御櫺軒。遠望周千里。朝夕見平原。烈士多悲心。小人媮自閒。國讐亮不塞。甘心喪元拊。劍西南望。思欲赴太山。絃急悲聲發。聆我慷慨言。

攬衣出中閨。逍遙步兩楹。閒房何寂寞。綠草被階庭。空室自生風。百鳥翩南征。春思安可忘。憂戚與我并。佳人在遠道。妾身單且梵。歡食難再遇。芝蘭不重榮。人皆棄舊愛。君豈若平生。寄松為女蘿。依水如浮萍。齋身奉衿帶。朝夕不墮傾。儻終顧盼恩。永副我中情。

陳思王植情詩

微陰翳陽景。清風飄我衣。遊魚潛綠水。翔鳥薄天飛。眇眇客行士。遙役不得歸。始出嚴霜結。今來白露晞。遊子歎黍離。處者歌式微。慷慨對嘉賓。悽愴內傷悲。

陳思王植雜詩

悠悠遠行客。去家千餘里。出亦無所之。入亦無所止。浮雲翳日光。悲風動

地起。末二語言讒
蔽明法令嚴急